

আর 'তপতী' গতে রচিত। 'তপতী'র গ্রন্থ জ্যাগের কঠোর তপস্যার
উঁহার মানবীয়তা হারাইয়া প্রায় দেবী হইয়া উঠিয়াছেন। উভয় নাটকের
পাৰ্থক্যের পরিচয় কবি নিজেই তপতীর ভূমিকার বাহা দিয়াছেন, তাহা আগে
উক্ত হইয়াছে।

Dr. Milton Biswas
Professor
Bangla Department
Jagannath University, Orissa

বিসর্জন

বিসর্জন একখানি নাট্য-কাব্য। রবীন্দ্রনাথের প্রাথমিক নাটকগুলির
মধ্যে এইখানি সর্বশ্রেষ্ঠ। ইহাতে কবির স্বজনীশক্তি, ক্রমের উদারতা ও
সত্যনিষ্ঠা আকার ধারণ করিয়াছে। বিসর্জন নাটকের অনেক সংস্করণ প্রকাশিত
হইয়াছে। কিন্তু আবার বিবেচনার ইহার প্রথম সংস্করণটিই সর্বশ্রেষ্ঠ। তাই
বিসর্জন নাটকের বিশ্লেষণ ও আলোচনা আমি প্রধানত এই সংস্করণ অস্থায়ী
করিয়াছি।

বিসর্জন নাটকের পঞ্জায় কবি রচিত রাজর্ষি উপন্যাস হইতে লওয়া।
এই রাজর্ষি লেখার ইতিহাস কবি নিজে বর্ণনা করিয়াছেন—

..... দুই-একদিনের জন্ত দেখলেই মাই। কলিকাতা কিরিবার সময় রায়ে গাড়িতে জড়
ছিল; ভালো করিয়া খুব হইতেছিল না,—টিক জোখের উপর আলো জড়িতেছিল। মনে করিলাম খুব
বন্দন হইবেই না, তখন এই হুবোনে বাকব-এর জন্ত একটা পলি গিয়া রাবি। পলি জরিবার ব্যর্থ হইবার
টানে পলি আসিল না, সুব আসিলা গড়িল! স্বয়ং দেখিলাম, কোন এক বন্ধিরের সিঁড়ির উপর বন্ধির
রক্তচিহ্ন দেখিলা একট বান্ধিকা অত্যন্ত ক্লম যাকুলতার সঙ্গে হাসকে জিজ্ঞাসা করিতেছে—বাবা,
এ কি! এ যে রক্ত! বামিকার এই কাচবজার ভাঙনুই মাপ অত্যন্ত ব্যথিত হইয়া অস্ত্র বাহিরে
রাসের তান করিলা কোনোকত তাহার একটাকে চাপা দিতে চেষ্টা করিতেছে।—মাসিলা উঠিয়াই
মনে হইল, এটি আমার বয়স্ক পলি। এমন স্বপ্ন-পাতলা পলি এবং অস্ত্র লেখা আমার আয়ো
আছে। এই স্বপ্নটির সঙ্গে জিশুরার রাজা পোন্ধিনবাসিক্যের ইতিহাস মিশাইয়া রাজর্ষি পলি
নামে নামে লিখিতে লিখিতে বাকব-এ বাহির করিতে লাগিলাম।

—স্বাধীনমুখি

নাটকের পাত্র ও পাত্রীকণের মধ্যে মহারাজা পোন্ধিনবাসিক্য, মহারাজী তপস্বী ও সুব্রাহ্মণ্য
নন্দরার ঐতিহাসিক ব্যক্তি। সুশিলাবাসের নবাবের শাহাবুদ্দৌল্লাহ নন্দরারের ছত্রমণিক্য-নামে
জিশুরার সিংহাসন অধিকার ও পোন্ধিনবাসিক্যের বেচ্চার রাজত্বাপ ঐতিহাসিক ঘটনা।.....

রাজর্ষি উপন্যাসের প্রথম অর্ধাংশে গল্পের পর্বত পলি বিসর্জনে ব্যবহার করা হইয়াছে।
৩২, ৩৩, ৩৪ ও ৩৫ পৃষ্ঠায় হইতে নন্দরারের বিসর্জনের কথাও লওয়া হইয়াছে। রাজর্ষি
কর্তব্য অংশের লিখিত বিসর্জনের কোনো সন্দর্ভ নাই।

নাট্যসম্বন্ধিত ব্যক্তিবর্গের মধ্যে সোবিন্দ্রশাপিকা, নক্ষত্রায়, রঘুপতি, জয়সিংহ, হানি ও তাতা—এই কল্পনের কথা রাজর্ষি-উপন্যাসে আছে। উপবর্তী, অপর্ণা, নয়নরায়, চাঁদপাল বিসর্জনের মধ্যে কবির নূতন সৃষ্টি। রাজর্ষি-উপন্যাসে হানি ও তাতার কাকা কোম্বোবরের কথা আছে; বিসর্জনের প্রথম সংস্করণেও কোম্বোবরের কথা ছিল, পরে বাব বায়।.....বিসর্জনের প্রথম সংস্করণে অপর্ণার অল্প পিতার কথা ছিল, পরবর্তী সংস্করণে বাব দেওয়া হইয়াছে।.....

বিসর্জনের প্রথম সংস্করণ প্রকাশিত হয় বাঙ্গালা ১২২৭ সালে—ইংরেজী ১৮৯১ খ্রীষ্টাব্দে। ১৩০৩ সালের সংস্কৃত সংস্করণে ইহার অনেকখানি বাব দেওয়া হয়, কিন্তু দ্বিতীয় অঙ্কের দ্বিতীয় দৃষ্ট—বর্তমান সংস্করণে ৩য় অঙ্ক ১ম দৃষ্ট—নূতন যোগ করা হয়।.....শেষ দৃষ্টের শেষ অংশটি পরে দেখা, সম্ভবতঃ ১৩১০ সালে.....—প্রশান্তকর মহানবিশ; বিসর্জন নাটকের পরিচয় (১৩০০ সালের বিবর্তারতী সংস্করণ)।

এই নাটকখানি সম্বন্ধে অনেক আলোচনা হইয়াছে। নাটকখানি সম্বন্ধে টমসন্ সাহেব বলিয়াছেন—

"Sacrifice is the greatest drama in Bengali literature...All these dramas are vehicles of thought rather than expressions of action; and they show the poet's mind powerfully working on the subject of such things in popular Hinduism as its bloody ritual of sacrifice. The dramas show also how the poet was emancipating himself from the tangles of the solely artistic aim of life. Sacrifice shows how greatly we slander Eternal Truth, when—

The wrong that pains our souls below

We dare to throne above.

—Whittier.

Like Malini it teaches that love and not orthodoxy worships God, and it burns like a slow deep fire against bigotry. In all the plays, it is the woman who brings truth near, and often the woman who is a mere child.

Sacrifice and Malini and Karna-Kunti-Sambad undoubtedly placed him securely for all time into the small class of very great dramatists."

রবীন্দ্রনাথ বিসর্জন নাটকে দেখাইয়াছেন যে, প্রথা প্রেমকে বিনাশ করিতে চাহিলে প্রেম প্রথার বিরুদ্ধে বিদ্রোহ ঘোষণা করে। অপর্ণা এতটুকু মেয়ে, কিন্তু তাহার শক্তি অপর্ণিমের—সে জয়সিংহকে মন্দির ছাড়িয়া বাইতে ডাকিতেছে, রঘুপতির বিরুদ্ধে সংগ্রাম করিতেছে, রাজাকে সত্যদৃষ্টি দিয়া

সত্যপথে তাঁহাকে অটল দৃঢ় করিয়া তুলিতেছে। রঘুপতির ভয় প্রোবিন্দ্র-শাপিকাকে নহে, রাজার সৈন্ত-সামন্তকেও নহে, তাহার ভয় ঐ ছোট্ট মেয়েটিকে। বতস্বপ্ন প্রথা মিথ্যার সিংহাসনে অধিষ্ঠিত ছিল ততক্ষণ স্ত্রী স্বামীকে, ভাই ভাইকে, প্রজা রাজাকে, পিতা (রঘুপতি) পুত্রকে (জয়সিংহকে) পর্বস্ত ত্যাগ করিতে স্খিয়া বোধ করে নাই। কিন্তু ছোট্ট একটু প্রাণের প্রীতি ও করুণায় স্পর্শে রাজার সেই সত্যদর্শন ঘটিল, অমনি মিথ্যা প্রথা ভূমিসাৎ হইয়া গেল, এবং সকলে সত্যের অন্ততঃস্পর্শ লাভ করিয়া বাঁচিয়া গেল।—প্রেম ও মহত্বের সকলকে সমস্ত মিথ্যা ও সর্কারিতা হইতে অব্যাহতি দিল। একটি জীবন্ত প্রাণশক্তি জড়বস্তুর উপরে জয়ী হইবার জন্য ক্রমাগত চেষ্টা করে। যেমন ছোট্ট একটি বটের চারা প্রকাণ্ড পাথরের মন্দিরের গুহুতাতে এবং একটু বাসের নাটা মরুভূমির বিরাট বন্যাস্রকে জয় করিতে উত্তম হয়, তেমনি নামান্দ্র বালিকা অপর্ণার করুণা যুগ-যুগান্তরের জড় প্রথাকে জয় করিতে উত্তম হইয়াছিল।

মাহুষের চিরন্তন মনোবৃত্তি প্রেম বাবা মমতা দরদ প্রভৃতির দিকে লক্ষ্য না করিয়া কতকগুলো বিধি-নিষেধ ও আচারের গুহু শাসন মাত্র মানিয়া চলিলে জয়সিংহের মত মহাপ্রাণকে বিসর্জন দিতে হয়। জয়সিংহের অপব্যতঃ বুদ্ধিতে রঘুপতির দারুণ মর্মান্দ্র এই কথাই প্রকাশ করিয়াছে। বিসর্জন নাটকে আছে—মানব-প্রদীপ্ত আচার-বিধির নৃশংসতার বিরুদ্ধে মানব-চিত্তের কেনার্ড প্রতিবাদ। তাই অন্ধকৃষ্ণারে জড়িত জয়সিংহ রঘুপতির কর্তব্য চিন্তিতে পারিয়াও 'রাজরত চাই' বাক্য দেবার বাণী বলিয়া ভুল করিয়াছিল। মাহুষ সংস্কার-বন্ধ হইয়া থাকিলে পদে পদে ভুল করে—জন্মের ও মহত্বের চিরন্তন সত্যকে দেখিতে পায় না। বিধি আচার বস্ত পুরাতনই হোক তাহার স্থান বহুত্বের ও জন্ম-ধর্মের অনেক নীচে।

প্রথার বিরুদ্ধে প্রেমের বিদ্রোহ বর্ণিত হইয়াছে বিসর্জনে, আর যাম্বিকতার বিরুদ্ধে প্রেমের বিদ্রোহ দেখানো হইয়াছে কবির পরবর্তী নাটক 'রক্তকরবী'তে।

রঘুপতি জিপুঁরা-রাজ্যের চিরাগত 'বৃদ্ধ প্রথা'—জিপুঁরেশ্বরীর মন্দিরে চিরাগত বলিদানের প্রথা বজায় রাখিতে দৃঢ়প্রতিজ্ঞ। সেই প্রথা বজায় রাখিবার জন্য রঘুপতি রাজার বিরুদ্ধে রাজস্বাতা বক্ষত্রায়কে ও প্রজাদিগকে বিদ্রোহী ও উদ্ভেজিত করিতে, এক রাজা ও রাণীর মধ্যেও বিরোধ ঘটাইতে পরামুখ হন নাই। কিন্তু রঘুপতির উদ্ভেজের মধ্যে ব্যক্তিবর্গ লাভের লোভ বা স্বার্থপরতার

কৃত্যতার লেশ মাত্র নাই, এবং তিনি পাঠকের শ্রদ্ধা ও সন্মান আকর্ষণ করেন। এই যে বিরোধ—ইহা কেবল মতের বিরোধ, ইহার মধ্যে স্বার্থসিদ্ধির লেশমাত্র উদ্দেশ্য নাই। যদিও রঘুপতি রাজাকে গুপ্তহত্যা করাইতে বা প্রজাদিগকে বিদ্রোহী করাইতে চেষ্টা করিয়াছিলেন, কিন্তু তাহা নিজের স্বার্থসিদ্ধির জন্ত নহে, তিনি যে প্রথাকে সত্য ও ধর্ম বলিয়া মনে করিতেছিলেন তাহারই সর্বাঙ্গের জন্ত তিনি ঐ উপায় অবলম্বন করিতে বাধ্য হইয়াছিলেন। এইজন্য রঘুপতি রবীন্দ্রনাথের একটি চমৎকার চরিত্রসৃষ্টি।

কিন্তু বিসর্জনের জয়সিংহ কবির একটি উৎকৃষ্টতর ও সুন্দরতর চরিত্রসৃষ্টি। গুরু প্রতী। এবং গুরু বাক্যের উপর তাঁহার অচলা ভক্তি তাঁহার চরিত্রের স্বেচ্ছাও। কিন্তু তাঁহার মনের উপর বিবেকের প্রভাব গুরুভক্তির চেয়েও প্রকটতর; রাজা গোবিন্দমাণিক্যের কণ্ঠে তাঁহার বিবেকই তাঁহাকে বলিল—

অসহায় জীবরক্ত নহে জননী

পূজা।

—২য় অঙ্ক, ৩য় দৃশ্য

এবং তিনি তাহারই প্রতিফলন করিয়া গুরুকে বলিলেন—

ছি ছি, ভক্তিপিপাসিতা মাভা, তাঁরে বলে

রক্তপিপাসিনী।

—চতুর্থ অঙ্ক, প্রথম দৃশ্য

জয়সিংহের মনের মধ্যে এই গুরুভক্তি ও বিবেকের দ্বন্দ্ব তাঁহাকে আত্ম-বিসর্জন করিয়া—নিজের রক্ত দিয়া—রাজ্যের বিবেচনাল নির্বাচিত করিতে প্রেরণা দিল। জয়সিংহের এই আত্মবিসর্জন অতীব অপূর্ব ও গৌরবমণ্ডিত।

ইংরেজ কবি শেলী যেমন Spirit of Universal Love দ্বারা জগতের সকল অমঙ্গল ও পাপ দূর করিবার কল্পনা করিয়াছিলেন, রবীন্দ্রনাথ তেমনি প্রেমের দ্বারা সকল অকল্যাণ মোচন করিতে চাহিয়াছেন। সেই ভাবের প্রতীক হইতেছে অপর্ণা; অপর্ণা প্রেমের অধিষ্ঠাত্রী দেবী। মাহুষ যখন প্রথা ও শাস্ত্রের কাছে আপনায় বৃদ্ধি ও বিবেককে বলি দিয়া পাপের ও নৃশংসতার লীলায় সমাজকে হারখার করিতে উচ্চত হয়, তখনই প্রেমাবতার অপর্ণার আবির্ভাব আবশ্যিক হয়—যুগে যুগে মাহুষের ইতিহাস ইহারই সাক্ষ্য বহন করিতেছে। সনেকের মনে প্রেমের বীজ গুপ্ত হুগু হইয়া থাকে, তাহা অঙ্কুরিত ও প্রকাশিত হইতে অপর্ণার প্রেমের বর্ষণের অপেক্ষা রাখে। গোবিন্দমাণিক্য অপর্ণার কথায় নিজের অন্তরের সেই হুগু প্রেমের প্রথম পরিচয় পাইলেন। জয়সিংহ গুরুভক্তির মোহে আচ্ছন্ন হইয়া ছিলেন, তাই তিনি সাহস করিয়া প্রথার বিরুদ্ধে যুদ্ধ ঘোষণা করিতে

পারিতোষিলেন না; অপর্ণা-রূপিণী প্রেম-রুত্নি অপ্রাণসিনী—আজ হোক কাল হোক প্রেমের কাছে সকলকেই পরাজয় ও বশতা স্বীকার করিতে হয়। রঘুপতি পুরাতন প্রথার পাবাণ-ভিত্তি তাঁহার

কণ্ঠে ললাট

পাবাণ-সোপান যেন দেবী-মন্দিরের।

—২য় অঙ্ক, ২য় দৃশ্য

প্রেমের বীজ সেই পাবাণের মধ্যেও পড়িয়াছিল, কিন্তু অঙ্কুরিত হইতে বিলম্ব ঘটতেছিল। যখন তাঁহার প্রাণপ্রতিম পালিত-পুত্র জয়সিংহ আপন রক্ত দিয়া প্রথার পাবাণ-ভিত্তি সিন্ধু শিখিল-মূল এবং সরস করিয়া দিল, তখন সেই পাবাণের অন্তরেও প্রেমের বীজ অঙ্কুরিত হইবার অবকাশ ও অধুকূল অবস্থা লাভ করিল। রঘুপতি তখন বুঝিতে পারিলেন যে জীবন্ত প্রেম-প্রতিমা অপর্ণার তুলনায় পাবাণী কালী-প্রতিমা কত তুচ্ছ—

পাবাণ ভাঙিয়া গেল,—জননী আমার

এবারে দিয়াছে দেখা প্রত্যক্ষ প্রতিমা!

জননী অমৃতমুগ্ধা!

—৩য় অঙ্ক, ৪র্থ দৃশ্য

এখন রঘুপতি অপর্ণাকেই মা বলিয়া অবলম্বন করিলেন। অপর্ণা সমস্ত নাটকের মধ্যে বিশ্বয়জনক কিছুই করেন নাই, তবু কবির কলাকৌশলে সে-ই সমস্ত ঘটনার মূল ও কেন্দ্র হইয়া রহিয়াছে।

প্রথমেই—নাটকের প্রারম্ভে আমরা দেখি অপর্ণা বেগে প্রবেশ করিয়াই পূজায় আসীন রাজার নিকটে নিবেদন করিল—“বিচার প্রার্থনা করি।” এইখানে কবি স্বকৌশলে সমস্ত নাটকের মূল দৃশ্যটিকে আনিয়া উপস্থিত করিলেন। রাজা দেব-মন্দিরে পূজায় আসীন; ইহাতে প্রথমেই রাজাকে ধার্মিক-রূপে দেখানো হইল। রাজা জিজ্ঞাসা করিলেন অপর্ণার ছাগশিশু কে কাড়িয়া লইয়াছে? অপর্ণা উত্তর দিল—

রাজ-ভৃত্য তব।

রাজ-মন্দিরের পূজা। বলির লাগিয়া

নিয়ে গেছে।

এই অভিযোগ রাজার কাছে রাজারই বিরুদ্ধে। অপর্ণার সরলতা তাহাকে নির্ভীক তেজস্বিনী করিয়াছিল।

এমন সময়ে জয়সিংহ আসিয়া উপস্থিত হইলেন। রাজা তাঁহাকে জিজ্ঞাসা করিলেন যে এই বালিকার মনে বেদনা দিয়া তাহার ছাগশিশু কাড়িয়া আনা হইয়াছে,—

এ দান কি দেকেন য'নী

একদম দক্ষিণ হতে

জয়সিংহ দেবতার প্রতি একান্ত বিশ্বাসশালী, আবার অপর দিকে দয়ার্দ্র-কর উদার-স্বভাব। তিনি বলিকার বেদনা ও মহারাজের আগ্রহ দেখিয়া বলিলেন—

মহারাজ,

আপনার প্রাণ-অংশ দিয়ে, যদি তারে

বাঁচাইতে পারিতাম, দিতাম বাঁচারে।

ইহাকে নাটকীয় গুঢ় ইঙ্গিত বলা যাইতে পারে (Dramatic Irony)। জয়সিংহের এই কথার মধ্যে নাটকের আগামী ঘটনার আভাসই দেওয়া হইয়াছে।

অপর্ণা ও জয়সিংহ প্রস্থান করিলেন। রাজা হাসি ও তাহার ভাই তাজার জন্ত পূজার আসনে বলিয়াই উৎসুক হইতেছিলেন। ইহার দ্বারা কবি একটি নাটকীয় ইঙ্গিত পাঠকদিগকে পূর্বদ্বারা জানাইয়া রাখিলেন যে, হাসি ও তাজা সম্বন্ধে রাজার দুর্ভাবনার বশেষ কারণ আছে।

হাসি ও তাজা আসিল। তাহার রাজার সহিত যাইতে যাইতে দেবীর মন্দির-লোপানে রক্তের দাগ দেখিয়া চমকিত হইয়া জিজ্ঞাসা করিল—এত রক্ত কেন ?

ইহার একটু আগেই অপর্ণা আসিয়া তাহার ছাগশিশু-হরণের অভিযোগ করিয়া রাজার চিত্ত করুণার দ্রব করিয়া রাখিয়াছিল, এখন আবার হাসির প্রশ্নে তাঁহার অন্তর ব্যথিত হইয়া উঠিল, তাঁহার মনের কন্দরে কন্দরে হাসির সেই প্রবল প্রতিধ্বনি হইতে লাগিল—এত রক্ত কেন ?

জয়সিংহ ফিরিয়া আসিয়া রাজাকে সংবাদ দিলেন যে অপর্ণার ছাগ আর পাওয়া যাইবে না, 'না তাহারে নিয়েছেন।' এই কথা শুনিয়া অপর্ণা ভীত প্রতিবাদ করিয়া বলিয়া উঠিল—

না তাহারে নিয়েছেন ?

মিছে কথা। রাক্ষসী নিয়েছে তারে !

অপর্ণা-রূপে আবিস্কৃত জাতিমতী করুণা সত্যধর্মের হিংসাহীনতা প্রচার করিল; সে মৃত্যু বাক্যে বলিয়া দিল যে মাতার ধর্ম মমতা, করুণা; আর রাক্ষসীর ধর্ম হিংসা; শতএব যে মৃত্যুলোভূপ, সে রাক্ষসী নয়, তো কি !

জয়সিংহ কুসংস্কারাচ্ছন্ন অথচ সরল-বিশ্বাসী, তাই তিনি অপর্ণার মুখে এই কথা শুনিয়া বলিয়া উঠিলেন—

হি হি !

ও-কথা এনো না মুখে।

রাজা এই দুই জনের দুই ভাবের মধ্যে দ্বিধাযুক্ত হইয়া কিছুই মীমাংসা করিয়া উঠিতে পারিতেছিলেন না, তিনি বলিলেন—

বৎস, আমি বাক্যহীন।

রাজার ও অপর্ণার কথা শুনিয়া জয়সিংহও দ্বিধাযুক্ত হইয়া উঠিলেন, তাঁহার মনে সংস্কার ও বুদ্ধির, সংস্কার ও হৃদয়ধর্মের অন্য উপস্থিত হইল—

করুণার কাদে প্রাণ

মানবের,—দয়া নাই বিকলমনীর !

জয়সিংহের ব্যথিত চিত্তের পরিচয় পাইয়া অপর্ণার মনে তাঁহার প্রতি প্রণয়-সংস্কার হইতেছে। আজন্ম-স্বাধীন অপর্ণা মেয়ে হইয়াও জয়সিংহকে সেই মন্দিরের নিষ্ঠুর আবেষ্টন ছাড়িয়া তাহার সহিত চলিয়া যাইতে অসঙ্কোচে আহ্বান করিল।

জয়সিংহ অপর্ণার এই করুণ প্রীতির আহ্বান শুনিয়া নূতন এক অভিজ্ঞতার আশ্বাদ পাইলেন। তাঁহার অন্ধভক্তি অপর্ণার প্রেমের স্পর্শে ব্যাকুল হইয়া উঠিল।

তোমার মন্দিরে এ কী নূতন সঙ্গীত

ধ্বনিয়া উঠিল আজি হে গিরিনন্দিনী,

করুণা-কাতর কণ্ঠে। উক্তহাদি

অপল্লব বেদনার উঠিল ব্যাকুলি।

—১ম অঙ্ক, ১ম দৃশ্য

জয়সিংহ দেবী-প্রতিমাকে গিরিনন্দিনী বলিয়া সম্বোধন করিলেন, প্রতিমা পাশ্চাত্যে নির্মিত এবং তাঁহার হৃদয়কে অপর্ণার প্রেমধারা পাশ্চাত্যতন্ত্রা নির্বর-ধারার জ্বায় অভিবিক্ত করিয়াছে বলিয়া। জয়সিংহ অপর্ণাকে জিজ্ঞাসা করিলেন—

হে শোভনে, কোথা যাব এ মন্দির ছেড়ে ?

কোথায় আশ্রয় আছে ?

জয়সিংহ অপর্ণাকে শোভনা বলিয়া সম্বোধন করিলেন, কারণ তাঁহার মনে হইল অপর্ণা বাহ ও আশ্রয় উভয়বিধ লৌন্সর্বে শোভাময়ী। জয়সিংহের মনে

সত্যার্থ জানিবার জন্য ব্যগ্র বাসনা জাগ্রত হইয়াছে, তিনি পাবাণ-প্রতিমার আঁর চিত্তের আশ্রয় পাইতেছেন না! সেইজন্য তিনি জিজ্ঞাসা করিলেন— কোথায় আশ্রয় আছে?

এই প্রশ্নের উত্তর দিলেন গোবিন্দমণ্ডিক—বেশা আছে প্রেম! জয়সিংহ পাণ্টা প্রশ্ন করিলেন—কোথা আছে প্রেম? জয়সিংহ তো প্রেমের সহিত এখন পর্যন্ত পরিচিত হন নাই, তাই তাঁহার মনে অপরিচয়ের দ্বিধা জাগিতেছে।

জয়সিংহ অপর্ণাকে নিজের আলয়ে লইয়া গেলেন।

অপর্ণা ও জয়সিংহ চলিয়া যাইতেই হালি বলিয়া উঠিল—“এইবার সব মুছে গেছে!” মন্দিরে পাবাণ-প্রতিমার পরিবর্তে প্রেমের প্রতিষ্ঠা হইয়াছে হিংসার চিহ্ন রক্তের সব দাগ মুছিয়া গেল।

প্রথম অঙ্কের এই প্রথম দৃশ্যটি সমস্ত নাটকীয় ঘটনার উপক্রমণিকা মাত্র। এখানে দুইটি বিরুদ্ধ শক্তি ভাবী সংগ্রামের নিমিত্ত বলসকর করিল, ইহা যুদ্ধের উদ্বোধনপর্ব। রঘুপতির নিষ্ঠুর-শক্তি রাণীকে সমগ্রভাবে এবং অপর্ণার দেবী-শক্তি কারুণ্য-শক্তি রাজাকে সমগ্রভাবে এবং উভয়ের বিভিন্নধর্মী শক্তি জয়সিংহকে আংশিকভাবে আঁড়ার করিয়া বলসকরের দ্বারা নিজেদের অজ্ঞাতসারে, পরম্পরের সঙ্গে যুদ্ধ করিবার জন্য প্রস্তুত হইতে লাগিল। রঘুপতির প্রভাবে ও প্ররোচনায় রাণী বলি দিতে ও রাজা অপর্ণার প্রভাবে বলি নিবেদন করিতে দৃঢ়প্রতিজ্ঞ হইলেন। ইহার ফলে গৃহবিগ্রহ ও রাষ্ট্রবিপ্লবের সূত্রপাত হইল। একদিকে রঘুপতি ও রাণী, অপর দিকে অপর্ণা ও রাজা, এবং ইহাদের উভয় পক্ষের মধ্যস্থলে স্থিতিস্থিত হইয়া রহিলেন জয়সিংহ।

প্রথম অঙ্কের দ্বিতীয় দৃশ্যে মহারাণী গুণবতী দেবী-মন্দিরে পূজা করিতে করিতে একাকিনী চিন্তা করিতেছেন—‘মার কাছে কী করেছি দোষ?’ প্রথমেই তিনি দেবীকে মাতৃ-সম্বোধন করিয়া নিজের মাতৃস্বের প্রবল আকাঙ্ক্ষা প্রকাশ করিলেন। তিনি রাজরাণী স্বামী-লোহাগিনী, কিন্তু সন্তানহীন। নিঃসন্তান অবস্থার ক্ষোভ তাঁহাকে পীড়া দেয়। তিনি বলিতেছেন যে, যে ভিখারিণী পেটের দায়ে পেটের সন্তানকে বিক্রয় করে, অথবা যে পাপিষ্ঠা কুলটা লজ্জার দায়ে সন্তান হত্যা করে, তুমি তাহাদেরও সন্তান দাও, কেবল আমাকেই বঞ্চিত করিয়া রাখিরাছ! সতীধর্মত্যাগিনী নারীও সন্তানহীন হই বলিয়া তাহার উপর নিঃসন্তান সাধনী মহারাণীর কোপ প্রকাশ পাইয়াছে তাহাকে পাপিষ্ঠা বলাতে। ভিখারিণী ও পাপিষ্ঠার সঙ্গে রাণী নিজের অবস্থার

তুলন সমালোচনা করিতেছেন। তিনি চাহেন সন্তান জন্মিষ্ট হইয়া তাঁহার কোলে তাঁহার মুখের দিকে চাহিয়া তাঁহাকে উপহার দিবে—“অকারুণ্য আনন্দের প্রথম হাসিটি!” কিন্তু সেই স্বপ্ন তাঁহার ভাগ্যে এখনো জুটে নাই। তাই তিনি কুমার-জননী দেবীকে প্রার্থনার ছলে ভৎসনা করিতেছেন—

কুমার-জননী মাতঃ, কোন্ পাপে মোরে
করিলি বঞ্চিত মাতৃবর্গ হাতে?

যিনি নিজে কুমারের জননী, যিনি মাতৃস্বের আনন্দ নিজে আশ্বাসন করিয়া জানিয়াছেন, তিনি কেন মহারাণীকে সেই স্বপ্ন হইতে বঞ্চিত করিয়া রাখিয়াছেন, ইহা রাণীর ধারণার অতীত। মহারাণীর একটি মাত্র অভাব; সেই অভাব-পূরণের স্বপ্ন তাঁহার কাছে স্বর্গতুল্য প্রতিভাত হইতেছে, তিনি মাতৃবর্গের স্বপ্ন পাইতে ব্যাকুল।

দেবীর পূজক রঘুপতি আগিয়া উপস্থিত হইলেন। তাঁহাকে দেখিয়াই রাণীর মনের চিন্তা কথায় পরিবর্তিত হইয়া গেল, তিনি রঘুপতিকে জিজ্ঞাসা করিলেন যে, আমি তো চিরদিন মার পূজা করিয়া আসিতেছি, আমার স্বামীও মহাদেব-সম নিষ্পাপ, তবে কোন্ দোষে সেই মহামায়া আমাকে নিঃসন্তান-স্থান-চারিণী করিলেন? রাণীর নিকটে নিঃসন্তান অবস্থা স্থানানের তুল্য মনে হইতেছে। রাণী দেবীকে মহামায়া বলিয়া নির্দেশ করিলেন—তাঁহার লীলা ও উদ্দেশ্য দুজের বলিয়া। রঘুপতি দেবীর পূজক, হুতরাং দেবী-মহিমার মর্মজ হওয়া তাঁহার পক্ষে সম্ভব এবং তিনি বিশ্বমাতার রহস্য উদ্ঘাটন করিতেও সক্ষম হইতে পারেন; এইজন্য রাণী তাঁহার কাছে নিজের মনের ক্ষোভ ও খেদ প্রকাশ করিলেন। কিন্তু তিনি রাণী, তাঁহার বিবলতা কোন কারণেই শোভা পায় না, সেইহেতু তাঁহার অভিযোগ খুব সংযত ও মহিমান্বিত।

রাণী গুণবতী দেবীকে মহামায়া বলিয়াছিলেন। রঘুপতিও সেই সূত্র অবলম্বন করিয়া বলিলেন,—মায়ের মহিমা কে বুঝিতে পারে, তিনি ইচ্ছাময়ী, তিনি পাবাণ-তনয়া, অর্থাৎ তাঁহার ক্রমে মন্য মমতা কিছু নাই, এবং তিনি খেয়ালী।

গুণবতী বলিলেন—

করিলি মামং, মা যদি সন্তান দেন,
বর্ষে বর্ষে দিলি তাঁয়ে একশ' মহিলা,
তিন শত ছাপ!

রাণী বার্থাঙ্ক হইয়া দেবীর সাক্ষাতে প্রতিজ্ঞা করিলেন যে তিনি যদি একটি শিশু পান, তাহা হইলে সেই শিশুর প্রাণের বিনিময়ে তিনি প্রতি বৎসর চারিশত পশু-শিশুর প্রাণ বধ করিবেন! এইখানে বার্থ ও পরার্থের মধ্যে বিমোহ আরম্ভ হইল, রাণীর ও রাজার মধ্যে ভবিষ্যৎ বিরোধের সূত্রপাত হইল। রাণী যে কী অস্ত্রের অসহ্য প্রতিজ্ঞায় আবদ্ধ হইলেন তাহা তিনি নিজের বার্থপরতার মোহে বুঝিতে পারিলেন না। তিনি দেখিলেন হাসি ও তাজা আগিতেছে। অমনি তাঁহার মন তাহাদের প্রতি দ্বৈধ জলিয়া উঠিল, কারণ রাজা তাহাদের ভালোবালেন; সেই ভালোবাসা রাণীর গর্ভ সন্তান পাইবার পূর্বে তাহারা বেদখল করিয়া লইতেছে বলিয়া রাণীর হিংসা। রাণী বার্থপর, তিনি নিজে মাতৃদের আশ্রয় পাইতে চাহেন, কিন্তু মাতৃহীনকে মাতার স্নেহমত্না দিতে অক্ষম। কিন্তু তাঁহার মনে পরের ছেলের প্রতি হিংসার উজ্জ্বল হইতেই তিনি ভীত হইয়া উঠিলেন—

পরের ছেলের হিংসা করে অকল্যাণ
হবে, আসিবে পুত্রহীনারে মাতৃশাশন।

রাণী নিজের বার্থহানির ভয়েই হিংসা সংবরণ করিতে চাহিতেছেন—নিজের সাময়িক নারীপ্রবৃত্তির বশবর্তিনী হইয়া নহে। তিনি হাসি ও তাজাকে আদর করিতে উচ্ছত হইলেন, কিন্তু তখনই দেখিলেন যে রাজা আগিতেছেন, অমনি তাহাদের প্রতি রাজার স্নেহ উজ্জ্বল করে রাণীর স্তোত্রিত আদর দূর হইয়া গেল, তিনি তাহাদ্বয়কে দেখান হইতে তাড়াইয়া দিলেন। রাজাকে তিনি তর্কিত করিতে লাগিলেন যে রাজা তাঁহার রাজপুত্রের প্রাণ্য অপরকে বিজয় করিয়া অহমিত কাঁপ করিতেছেন। কিন্তু রাজা বলিলেন—

কে পরিতুষ্ট হইবে ওই বচন
করায়। মোতকিনী হইবে ওই, বচন
সিঁদুর দায়।

রাজা রাণীকে বুঝাইতে চাহিলেন যে—বার্ধপরতা ও স্নেহ বিরুদ্ধবী—এক স্তম্ভ, অপর উল্লাস। কোনো সাক্ষাকে মানবিক উপমা দ্বারা সন্দর্ভন করিয়া তাহার বার্থতা হু-পট করিয়া তোলাতে নবীজনাথের অসাধারণ কল্পনা দেখিতে পাওয়া যায়। এইখানে তিনি সেই স্নেহতার পরিচয় দিয়াছেন।

রাজা প্রস্থান করিলেন। রাণী দেবী-প্রতিমার নিকটে প্রাণের স্বেদা নিবেদন করিলেন—

মহাবীর, কত রক্ত কত প্রাণ চাঃ
আবারে করিতে দান সেই প্রাণটুকু।

অপরের প্রাণহানি করিয়া রাণী নিজের কোলে একটু প্রাণকনিকা পাইতে চাহেন। এই অসহ্যতা তাঁহার বার্থাঙ্ক মন কিছুতেই অহুভব করিতে পারিতেছিল না।

প্রথম অঙ্কের তৃতীয় দৃশ্বে মন্দিরে জয়সিংহ ও অপর্ণা আলাপ করিতেছেন। জয়সিংহ বলিতেছেন—তুমি আমার কাছে আরো কিছুদিন থাকো, “তোমাদের দুঃখ দূর করে দস্ত হই।” জয়সিংহের এই দুঃখ দূর করার প্রস্তাব অপর্ণার ভালো লাগিল না, সে তো দয়া অনেকের দ্বারা পাইয়াছে, সেই দয়া সে জয়সিংহের কাছে চায় না, তাই সে বলিল, “আরো দয়া আবশ্যিক কি বা?” জয়সিংহ বলিয়া ফেলিলেন, “জানো তো বালিকা, অতিথি দেবতা নয়।” এই বালিকা-সংঘাত অপর্ণার কানে ও প্রাণে বাজিল, সে বলিয়া উঠিল—

বালিকা! বালিকা তরে অতিথি-সন্মান।
কাজল বালিকা, তিকা ভালো, তিকা ভালো!

সে যে বুঝতী হইয়াছে, জয়সিংহের সাক্ষাৎ যে তাঁহার প্রাণে প্রেম আগ্রহ করিয়া তুলিয়াছে, এই সংবাদ তো তাঁহার আর অগোচরে নাই, কিন্তু অন্ধ জয়সিংহ যদি তাহা দেখিয়াও না দেখেন, বুঝিয়াও না বুঝিতে চান, তবে তাঁহার কাছে দয়া পাওয়ার চেয়ে অস্ত্র তিকা দেয় দ্বারা। অপর্ণা চায় জয়সিংহের প্রেম, প্রেমের প্রতিদানে প্রেম, সে অস্ত্রগ্রহ চাহে না। অপর্ণা গান গাহিতে গাহিতে চলিয়া গেল—

আমি একলা চলছি এ উবে,
আমার পথের সন্ধান কে কবে।

সে এই বিপুল ও বহুজনসমাকীর্ণ পৃথিবীতে একাকিনী, কেহ তাহাকে এখনো সম্পূর্ণভাবে গ্রহণ করিবার অস্ত্র আগ্রহাঙ্কিত তো হইল না।

ইহার পরেই অন্তর প্রবেশ। তাহারা রক্তপাতের আনন্দে উন্মত্ত, তাহারা ধর্মের প্রথাকেই জানে, তাহারা হিতাহিত ভ্রম-অভ্রম বিচার করিতে পারে না।

জয়সিংহ অরবোধে অচেতন হাসিকে কোলে করিয়া সেই মন্দিরে ফিরিয়া আসিলেন। রাজাও হাসিকে বুঝিতে বুঝিতে দেখানে আসিলেন এক

রাজবৈজ্ঞকে ডাকিয়া আনিতে জয়সিংহকে পাঠাইলেন। হাসি জরের বোরে প্রলাপ বকিতেছিল—‘রক্ত! রক্ত!’ তাহা শুনিয়া রাজা করুণ কণ্ঠে বলিলেন—

এখনো কি বোছে নি, না, করুণ হার
হ’তে সেই শোণিতের দাগ!

হাসি রক্তের প্রলাপ বকিতে বকিতে মরিয়া গেল। তাহার এই করুণ বিলাপ শুনিয়া রাজা ব্যথিত হইয়া প্রতিজ্ঞা করিলেন—

আমি এই রক্ত-স্রোত
বন্ধ করে দিব।

রাজশক্তির দস্তে রাজা প্রতিজ্ঞা করিলেন—আমি রাজা, আমি এই রক্তপাত বন্ধ করিয়া দিব। এমন সময়ে অহুচরেরা রাণীর পূজা লইয়া আসিল। রাজা সেই পূজা ফিরাইয়া দিলেন। রাজা গোবিন্দমাদিক্য নিজের রাজশক্তিকে অবলম্বন করিয়া সত্যধর্ম-প্রতিষ্ঠায় প্রয়াসী হইলেন, কিন্তু তিনি ভাবিয়া দেখিলেন না যে, দেবতাকে রাজশক্তির বা অস্ত্র-কোন বাহু শক্তির অধীন করিলে পিষাচ-শক্তিকেই জাগ্রত করা হয়। সত্যের তো বাহু বল নাই, তাহার সফল আস্তর বল, আত্মিক শক্তি। এইখানে প্রথম অঙ্ক শেষ হইল।

দ্বিতীয় অঙ্কের প্রথম দৃশ্য—রাজসভা, প্রাতঃকাল। সেখানে সেনাপতি নয়নরায় ও দেওয়ান চাঁদপাল তুচ্ছ বিক্রম করিতে করিতে কলহ করিবার উপক্রম করিতেছেন,—নয়নরায়ের পদ আগে, না চাঁদপালের পদ আগে, ইহা লইয়া উভয়ের তর্ক। চাঁদপাল বলিলেন—

সর্ব-অঙ্গে তুমি পাবে হান
হেন দেশে করো দ্বিরে ধান, চুকে ধানে
পঙপাল, ...

এই কথার মধ্য দিয়া কবি এখানে আগস্কন্ধ ভবিষ্যৎ ঘটনার একটি ছায়াপাত করিয়াছেন, নয়নরায়কে যে শীঘ্রই রাজ্য হইতে নির্বাসিত হইতে হইবে এবং সেনাপতির পদ চাঁদপাল পাইবেন, সে ঘটনার সূচনা এইখানে হইয়া রহিল। মন্ত্রী উভয়ের মধ্যস্থ হইয়া নয়নরায়কে ভর্ৎসনা করিলেন, তাহার উত্তরে নয়নরায়ও মন্ত্রীকে স্লেষবাক্য দ্বারা ভৎসনা করিলেন,—

জেনো মন্ত্রী, অতিরিক্ত হৃদয়বুদ্ধি ধার
তারি নির্ভা অকারণ অসন্তোষ! বুড়ি

তার বিখচরার বিধিতে ব্যাকুল।
আমার তো হৃদয়বুদ্ধি নেই! তখু আছে
জন্মের সময়—আর সৈন্তের কৃপাণ।

এই কথার মধ্যে নয়নরায়ের চরিত্র স্পষ্ট হইয়া প্রকাশ পাইল, তিনি একনিষ্ঠ ভক্ত—দেবতা ও রাজার উভয়েরই। তিনি বিশ্বাসী সেনা ও বীর!*

রাজা আসিয়া সভায় প্রবেশ করিলেন, সঙ্গে রঘুপতি ও নক্ষত্ররায়ও আসিলেন।† সকলে গাত্ৰোখান করিয়া রাজাকে অভ্যর্থনা করিল, জয় ঘোষণা করিল। কিন্তু রঘুপতি দাস্তিক, তিনি রাজাকে আশীর্বাদ না করিয়াই একেবারে নিজের বক্তব্য প্রকাশ করিলেন—

রাজার ভাণ্ডারে এসেছি বলির পণ্ড সংগ্রহ করিতে।

তিনি রাজার কাছে প্রার্থনা করিতে আসেন নাই, রাজার ভাণ্ডারে যেন তাঁহারই গ্রাস গচ্ছিত আছে, তাহা তিনি নিজের অধিকারে গ্রহণ করিতে আসিয়াছেন।

রাজা বলি নিষেধ করিবার উদ্দেশ্যেই রাজসভায় আসিয়াছিলেন, রঘুপতির প্রার্থনা তৎক্ষণাৎ রাজাকে সেই হুঁহোংগ দিল, তিনি বলি-নিষেধের আজ্ঞা প্রচার করিলেন। রাজার এই নূতন নিয়মে সকলে অবাক হইয়া গেল। সেনাপতি নয়নরায় সরল দৃঢ়প্রকৃতি সত্যপ্রিয় নির্ভীক তেজস্বী বিশ্বাসী রাজভক্ত। তিনিই সর্বপ্রথম রাজাঞ্জার অযৌক্তিকতা দেখিয়া আশ্চর্য হইয়া বলিয়া উঠিলেন,—‘বলি নিষেধ!’ মন্ত্রী তাঁহার কথার প্রতিধ্বনি করিয়া বলিলেন,—‘নিষেধ!’ নক্ষত্ররায় চপলচিত্ত, আত্মনির্ভরতাহীন, পদের কথার প্রতিধ্বনি স্বাক্ষর, তিনি বলিলেন,—‘তাইতো। বলি নিষেধ!’ রঘুপতি রাজাদেশ শুনিয়া এমন স্তম্ভিত হইয়া গিয়াছিলেন যে তিনি সকলের শেষে কথা কহিলেন। তিনি যেন নিজের শ্রবণশক্তিকে বিশ্বাস করিতে পারিতেছিলেন না। তিনি ভাবিতেছিলেন রাজা ধর্মে হস্তক্ষেপ করিবার কে? তাই তিনি প্রশ্ন করিলেন, ‘এ কি স্বপ্নে শুনি?’ রাজা কাহারও কথায় বিচলিত হইলেন না, তিনি যাহা সত্য ও উচিত বলিয়া বুঝিয়াছেন, তাহা হইতে বিচলিত হইবার পাত্র নহেন। তাঁহার বাক্য সংঘত দৃঢ় এবং সংক্ষিপ্ত। রাজা বলিলেন,—এই আদেশ স্বপ্ন নহে, দেবী! স্বয়ং বালিকার মূর্তি ধরিয়া আসিয়া তাঁহার সত্যদৃষ্টি

* পরবর্তী সংস্করণে প্রথম সংস্করণের ২-য় অঙ্কের ১-য় দৃশ্যের এই প্রথমোক্ত বর্ণিত হইয়াছে।

† পরবর্তী সংস্করণের ১-য় অঙ্কের ২-য় দৃশ্য দ্বারা।

উন্মোচন করিয়া দিয়াছেন। রত্নপতি বলিলেন, 'শাস্ত্রবিধি তোমার অধীন নহে।' গোবিন্দনাথিক্য কহিলেন,—'সকল শাস্ত্রের বড় দেবীর আদেশ!' রত্নপতির অহকারে আঘাত লাগিল, তিনি বলিলেন—'আমি দেবীর পূজক, ব্রাহ্মণ, আমি তুমিলাম না দেবীর আদেশ, আর তুমি তনিত্তে পাইলে! ইহা কেবল শাস্ত্রের অহকারও!

রত্নপতি ক্রুদ্ধ হইয়া রাজাকে পাবণ, নাত্তিক বলিয়া ভৎসনা করিতে লাগিলেন। কিন্তু রাজা তাহাতে বিচলিত না হইয়া বীর অটল স্বরে আদেশ প্রচার করিলেন—

যে করিবে ধীর-হত্যা ধীর-জনীর
পূজাঙ্কলে, তারে কিব নির্বাসন দ্যুত।

রত্নপতি ক্রুদ্ধ হইয়া হৃৎকলের শেখ সকল অভিসপাত দিতে লাগিলেন—
উচ্ছর! উচ্ছর বাও।

চাঁদপাল ছুটিয়া আসিয়া রত্নপতিকে নিরস্ত করিতে চেষ্টা করিতে লাগিল। সে ভণ্ড প্রভারক, সে চাটুকার, সে মনে এক বাহিরে আর; সে ক্রূর, সে বাহিরে দেখাইল যেম সে রাজার মঞ্চলের ভক্ত সকল সন্তান্দ্র অপেক্ষা অধিক উৎকণ্ঠিত।

সত্যব্রটা রাজা ব্রাহ্মণের অভিসপাতকেও ভয় করিলেন না, তিনি বীর বাক্যে রত্নপতিকে বিদায় দিলেন।

রত্নপতি বাইতে বাইতে রাজার বিরুদ্ধে স্পষ্ট বিরোধ ঘোষণা করিয়া গেলেন—

হৃৎকরিতে গীর

বসি? যে সারু ধাই জন। আমি আমি
কারে কেন?

রত্নপতি চলিয়া গেলে সন্ন্যাসিনী কতিপয় মহারী, সেনাপতি বহরার রাজার নিকটে গিয়া উপাখ্যান করিলেন—

কোন অধিকার, কে, জনীর বসি.....

রাজা তাঁহাকে নিরস্ত হইতে বলিলেন। মহারী রাজাকে তাঁহার আদেশ স্বাক্ষরে পুনর্বিবেচনা করিতে অনুরোধ করিলেন। কিন্তু রাজা অটল, তিনি বলিলেন—

বিনয় উচিত নহে বিদায় করিতে
পাপ।

সকলে বিস্মিত বিহ্বল হইয়া গেলেন, দেবীর নিকটে বলিদান পাপ! মহারী কথা কহিলেন—

পাপের কি এক পরমায়ু হবে?

কত শত বর্ষ ধরে যে প্রাচীন প্রথা

মেঘলা-চন্দ-ভগ্নে বৃদ্ধ হ'য়ে এলো,

সে কি পাপ হ'তে পারে?

এই কথায় রাজা চিন্তিত হইয়া নিরস্ত হইলেন। ইহাই তো সকল কুসংস্কারের প্রধান যুক্তি! বাহা এত কাল টিকিয়া আছে, আমাদের বাপ-পিতামহ বাহা করিয়া গিয়াছেন, তাহা কি কখনো মন্দ হইতে পারে?

এমন সময়ে এক আসিয়া উপস্থিত হইল এবং রাজাকে জিজ্ঞাসা করিল—
দিদি কোথা?*

রাজা ঐকে দেখিয়া ও যুতা হাসিকে স্বরণ করিয়া তাঁহার পথ ঐক বলিলেন এবং পুনরায় বলি-বন্ধের আদেশ দিলেন। রাজা ঐকে লইয়া স্নানপাত্র পরিভ্যাগ করিয়া প্রস্থান করিলেন। রাজার অস্থূলস্থিতিতে সকলে রাজার কার্যের সমালোচনা করিতে লাগিল। কেবল ধৃত চাঁদপাল বলিল—

ভীরু আমি নহু প্রাণী, যুদ্ধি কিহু কথ,

না বুঝে পালন করি রাজার আদেশ।

চাঁদপাল ভীরু সত্য, কিন্তু তাহার দৃষ্টবুদ্ধি প্রচুর এবং সে প্রকান্তে নিজেকে রাজভক্ত বলিয়া প্রচার করিলেও সে বাস্তবিক রাজভক্ত নহে।

দ্বিতীয় অঙ্কের দ্বিতীয় দৃষ্টে মন্দিরে জয়সিংহ একাকী দেবী-প্রতিমাকে সন্মোদন করিয়া বলিতেছেন—দেবীর কাছে থাকিয়াও তাঁহার কেন একাকী বলিয়া মনে হইতেছে, তাঁহাকে কে যেন বাহির হইতে ডাকিতেছে মনে হইতেছে। অমনি তিনি অপর্ণার গান শুনিতে পাইলেন—

আমি একলা চলেছি এ ভবে,

আমার পথের সন্ধান কে হবে?

জয়সিংহ অপর্ণাকে জিজ্ঞাসা করিলেন—জানো কি একলা করে বলে? অপর্ণা উত্তর দিল—

জানি! তবে ব'লে আমি জা মনে,

দিতে চাই, দিতে কেব নাই!

* পরবর্তী সংস্করণে ঐকের প্রবেশ এখানে নাই।

জয়সিংহ এই উক্তি পূরণ করিয়া গিলেন—

স্বপ্নের
আসে দেবতা যেনক ঐশ্বর্য!

অপর্ণা জয়সিংহকে বলিল—

যে তোমার সব
নিত্যে পারে, তারে তুমি বুঝিতেছ যেন।

আর আমিও—

এত দয়া পাইনে কোথাও—বাহা পেয়ে
আপনার দৈন্ত আর মনে নাহি পড়ে।

দয়ার দানে মাহুযকে খর্ব হীন করে, আর প্রেমের দানে তাহাকে মহীয়ান
করিয়া ছলে। দয়ার দানে নিজের দৈন্ত উৎকট হইয়া উঠে, আর প্রেমের দানে
নিজের দৈন্ত ঢাকা পড়িয়া যায়। তাই জয়সিংহ বলিলেন—

যথার্থ যে ক্ষমতা, আপনি নামিরা আসে
দানরূপে দরিদ্রের পানে ভূমিতলে!
যেমন আকাশ হ'লে রুষ্টিরূপে মেঘ
নেবে আসে মল্লভূমে—দেবী নেমে আসে
মানবী হইয়া, বারে ভালোবাসি তার
মুখে। দরিদ্র ও দাতা, দেবতা মানব
সমান হইয়া যায়।

এমন সময়ে জয়সিংহের গুরুদেব রঘুপতি আগলিতেছেন দেখা গেল। তাঁহার
ভয়ে অপর্ণা পলায়ন করিল, কারণ রঘুপতির—

কঠিন ললাট
পাযাথ-সোপান যেন দেবী-মন্দিরের!

অপর্ণা পলায়ন করিল। কিন্তু জয়সিংহ অপর্ণার কথারই জের টানিয়া নিজ মনে
বলিলেন, 'কঠিনতা নিখিলের অটল নির্ভর'।

রঘুপতি বিরক্ত হইয়া রাজসভা হইতে আসিয়াছেন। জয়সিংহের সহিত
তিনি কথা কহিলেন না, জয়সিংহের সেবা গ্রহণে আগ্রহ দেখাইলেন না, সকল
কথাতেই তিনি বিরক্তি প্রকাশ করিতে লাগিলেন। কিন্তু ক্ষণকাল পরেই
জয়সিংহের প্রতি স্নেহে তাঁহার মন কোমল হইয়া আসিল এবং তিনি স্বীকার
করিলেন যে তাঁহার মন ক্ষুব্ধ হইয়া আছে বলিয়া তিনি জয়সিংহের প্রতি রুঢ়

আচরণ করিয়াছেন। জয়সিংহ রঘুপতিকে তাঁহার কোন্ডের কারণ কি তাহা
জিজ্ঞাসা করিলেন। রঘুপতি উত্তরে বলিলেন,—রাজা গোবিন্দমাণিক্য
তাঁহাকে অপমান করিয়াছেন।

অন্তঃপর রঘুপতি জয়সিংহকে অকৃতজ্ঞ বলিয়া ভৎসনা করিলেন,
যে-হেতু জয়সিংহের কাছে গোবিন্দমাণিক্য রঘুপতি অপেক্ষা প্রিয়তর হইয়া
উঠিয়াছিলেন।

জয়সিংহ ইহাতে বলিলেন—

প্রভু, পিতৃকালে বসি'
মুগ্ধ শিশু আকাশে বাড়ার দুটি হাত
পূর্নচন্দ্র গানে—মেঘ, তুমি পিতা যোগ,
পূর্ণশশী মহারাজ গোবিন্দমাণিক্য!

গোবিন্দমাণিক্যের মহৎ চরিত্র জয়সিংহের নিকটে আদর্শ হইয়া উঠিয়াছিল।
স্বাপি তিনি রাজার আদেশ শুনিয়া প্রতিজ্ঞা করিলেন—

যতদিন প্রাণ
আছে, অসম্পূর্ণ নাহি রবে জননীর পূজা।

এখানে আগামী ঘটনার পূর্বাভাস দেওয়া হইয়াছে,—জয়সিংহ যে নিজের
প্রাণ দিয়া এই দেবী-প্রতিমার শেষ পূজা করিয়া যাইবেন তাহার আভাস কবি
জয়সিংহের কথার ভিতর দিয়া দিয়াছেন।*

দ্বিতীয় অঙ্কের তৃতীয় দৃশ্য—অস্তঃপুর। মহারাণী গুণবতীকে পরিচারিকা
আসিয়া সংবাদ দিল যে রাণীর পূজা মন্দির হইতে ফিরিয়া আসিয়াছে। রাণী
জানিতে চাহিলেন, কাহার এত বড় স্পর্ধা যে রাণীর পূজা মন্দির হইতে ফিরাইয়া
দিতে সাহস করে! পরিচারিকা ভয়ে রাজার নাম বলিতে পারিল না। তখন
মহারাণী রঘুপতিকে ডাকিতে পাঠাইলেন। এমন সময় গোবিন্দমাণিক্য
আগিলেন। রাণী কুপিত হইয়া রাজাকে জিজ্ঞাসা করিলেন—কে সেই দ্রুসাহসী
যে তাঁহার পূজা ফিরাইয়া দিয়াছে?

রাজা বলিলেন যে, তিনি জানেন কে সেই অপরাধী। তবে তিনি
তাঁহার অপরাধের জন্য রাণীর কাছে ক্ষমা প্রার্থনা করিতেছেন।

* পরবর্তী সংস্করণে ইহা ১-ন অঙ্কের ৩-ন দৃশ্য।

† পরবর্তী সংস্করণে ইহা ১-ন অঙ্কের ৪-র্থ দৃশ্য।

রাণী উক হইয়া বলিলেন—

দয়ার পরীর

তব, কিন্তু মহারাজ, এ তো দয়া নয়,
এ শুধু কাপুরুষতা। দয়ার দ্রবল
তুমি, নিজ হাতে দণ্ড দিতে নাহি পারো
যদি, আমি দণ্ড দিব।

রাজা নম্রভাবে স্বীকার করিলেন যে সেই অপরাধী তিনি নিজে।

রাণী অপরাধীকে দণ্ড দিবেন বলিয়া তিনি দৃঢ় প্রতীক্ষা করার পরে জানিতে পারিলেন যে সেই অপরাধী কে। তখন নিজের আত্মসম্মান রক্ষা করিবার জিদ ও স্বামীর প্রতি অভিমান তাঁহাকে রাজার বিরুদ্ধে বিদ্রোহী করিয়া তুলিল। রাণী রাজার সহিত তর্কে আঁটিয়া উঠিতে না পারিয়া বলিলেন— আমি দেবীর কাছে পূজা দিব মানং করিয়া রাখিয়াছি, অতএব আমি বেফল করিয়া পারি যথাবিধানে তাঁহার পূজা দিব। রাজা মনে করিলেন, রাণীর কোপ ও অভিমান কালক্রমে উপশমিত হইয়া যাইবে। তিনি রাণীর নিকট হইতে চলিয়া গেলেন।

চতুর্থ দৃশ্যে রঘুপতি রাণীর কক্ষে প্রবেশ করিলেন।* রাণী তাঁহাকে দেখিয়াই ক্ষুব্ধ স্বরে অভিযোগ করিলেন—“ঠাকুর, আমার পূজা কিরূপে দিমেছে জননীর ঘর হতে!”

রঘুপতি রাণীর কথা সংশোধন করিয়া বলিলেন—

মহারাণী, মার পূজা

কিরে পেচে, নহে সে তোমার।

রঘুপতি রাণীকে ভয় দেখাইবার জন্য অভিসম্পাত দিলেন যে বলি নিবিদ্ধ করার ফলে রাজমহিমা—

হরে বাবে গুলিসাং বজ্রদীর্ঘ লক্ষ কঙ্কাহত।

রাণী ব্রহ্মশাপের ভয়ে স্বামীর অমঙ্গল-আশঙ্কের ব্যাকুল হইয়া রঘুপতিকে স্নিনতি করিয়া বলিলেন—রক্ষা করো, রক্ষা করো প্রভু! রাণী অভিমান ও জিদের বশে স্বামীর বিরুদ্ধাচারিণী হইতে চাহিয়াও এখন স্বামীর অমঙ্গলের আশঙ্কায় ব্যাকুল, কারণ তিনি তো স্বভাবত সাক্ষী ও স্বামীর প্রতি অল্পবিশ্বাসী।

* পরবর্তী সংস্করণে এই দৃশ্য ৩-য় দৃশ্যের অন্তর্ভুক্ত করা হইয়াছে।

রঘুপতি রাণীকে আশ্বস্ত করিয়া বলিলেন—ব্রাহ্মণের শাপের ভয় বিধা, কলির ব্রাহ্মণের কি আর ব্রহ্মতেজ আছে?

ব্যর্থ ব্রহ্মতেজ শুধু বকে আপনাকে

আপনি দেখিছে, আহত বৃত্তিক সয়।

তিনি তাঁহার উপবীত ছিঁড়িয়া ফেলিয়া নিজের ব্রহ্মণ্যতেজের অক্ষমতা ও নিফলতাকে ধিক্কার দিতে উদ্যত হইলেন। কবির ‘রাজা ও রাণী’ নাটকেও রাজার বয়স্ক দেবদত্ত নিজের পৈতা সম্বন্ধে এইরূপ বাক্য প্রয়োগ করিয়াছিলেন—

“ককে বুলে পড়ে আছে শুধু পৈতেখানা

ভেঙ্গহীন ব্রহ্মণ্যের নির্ধিব খোলস।”

—১ম অঙ্ক, ১ম দৃশ্য।

ব্রাহ্মণকে পৈতা ছিঁড়িতে উদ্যত দেখিয়া রাণী সঙ্গতা হইলেন; স্বামীর অমঙ্গলে তাঁহারও তো অমঙ্গল হইবে! তিনি সেইদিকে রঘুপতির মনোযোগ আকর্ষণ করিয়া তাঁহার প্রিয় স্বামীকে রক্ষা করিতে চাহিলেন এবং বলিলেন যে,—আমি তো নির্দোষ, আমাকে আপনি রক্ষা করুন। তখন রঘুপতি বলিলেন—‘তবে কিরূপে দে ব্রাহ্মণের অধিকার।’ তিনি বলিতে চাহিলেন যে, দেবীর মন্দিরে কেবল ব্রাহ্মণেরই অধিকার আছে, সেখানে রাজার কোনো অধিকার নাই,—ব্রাহ্মণের বিধানের উপর রাজার কোনো প্রভুত্ব খাটে না।

রাণী অস্বীকার করিলেন—তিনি সেই অধিকার ক্ষুণ্ণ হইতে দিবেন না, দেবী-পূজার ব্যাঘাত ঘটতে দিবেন না। ইহাতে রঘুপতি সন্তুষ্ট হইয়াও হইতে পারিলেন না, তিনি ব্যঙ্গ ও শ্লেষের সহিত রাণীকে বলিলেন—

দেবতা কৃতার্থ

হ’ল তোমারি আদেশ-বলে, কিরে পেল

ব্রাহ্মণ আপন ভেজ! ধন্ত তোমরাই,

এ যুগে, বতদিন নাহি জ্ঞাপে ককি-

অবতার।

রঘুপতি প্রস্থান করিলে রাজা আসিলেন। রাজা রাণীকে ভালোবাসেন, রাণীর অপসন্নতা তাঁহাকে পীড়া দিতেছিল, তাই তিনি রাণীকে প্রশস্ত করিয়া তুলিবার জন্য কিরূপে আসিলেন। তাছাড়া, তিনি হয়তো ভাবিয়াছিলেন যে কিছুকালের বিচ্ছেদ ও চিন্তায় রাণীর চিত্ত প্রশান্ত ও প্রকৃতির হইয়া

ধাক্কাবে। কিন্তু তিনি জানিতেন না যে ইতিমধ্যে রঘুপতি আসিয়া রাণীর মন তাঁহার প্রতি অধিক বিরূপ করিয়া রাখিয়া গিয়াছেন।

রাণী বিরাগ-ভরে রাজাকে বলিলেন—‘তুমি এখান হইতে যাও, তোমার পশ্চাতে/দেবতার ও ব্রাহ্মণের অভিশাপ কিরিতেছে, এখানে সেই অভিশাপ আনিয়ো না।’

রাজা মধুর শান্ত বচনে বলিলেন—

শ্রমে করে

অভিশাপ নাপ, দয়া করে অবস্থাপ

দূর! সতীর জ্বর হ'লে প্রেম সেজে

পতিগৃহে দাসে অভিশাপ।

কিন্তু রাণী কিছুতেই মন্থ হইলেন না। তখন রাজা প্রহানোক্ত হইলেন। রাণী মনে করিয়াছিলেন যে, রাজা তাঁহার মনস্তটীর ক্ষত-তাঁহার আদেশ প্রত্যাহার করিয়া রাণীর প্রার্থনা পূরণ করিবেন। কিন্তু তিনি যখন দেখিলেন যে রাজা অটল, তখন রাণীই পরাজয় স্বীকার করিয়া রাজার পায়ে পড়িয়া ক্ষমা ও দয়া ভিক্ষা করিতে বাধ্য হইলেন।

রাজা গোবিন্দমাণিক্য রাণীকে মিষ্ট বচনে তুষ্ট করিবার চেষ্টা করিলেন। তিনি সত্যে ও প্রেমে তুল্যভাবে বিশ্বাসপরায়ণ। রাণীকে তিনি বুঝাইতে চেষ্টা করিতে লাগিলেন যে—‘অসহায় জীবরক্ত নহে জননীর পূজা।’

রাণী রাজার সহিত যুক্তিতর্কে পরাস্ত হইয়া মিনতি করিয়া ‘ভিক্ষা’ চাহিলেন,—‘চিরাগত প্রথা’ রাজা রক্ষা করুন, প্রেমের খাতিরে রাজা যদি তাঁহার কর্তব্যের ক্রটিও করেন, তবে দেবতা তাহা ক্ষমা করিবেন।

রাজা ‘চিররক্ত-পানে ক্ষীত হিংস্র যুদ্ধ প্রথা’ কিছুতেই পালন করিতে সম্মত হইলেন না। তখন রাণী অভিমানে বিমুগ্ধ হইয়া মুখ ঢাকিয়া রাজাকে চলিয়া বাইতে বলিলেন। ইহাতে রাজা বলিলেন—‘কর্তব্য কঠিন হয় তোমরা কিরালে মুখ।’ নারীর সাহায্য ও সমর্থন হৃদয়কে শক্তি দান করে, সেই নারী যদি বিমুগ্ধ হয়, তবে পুরুষের পক্ষে কর্তব্য পালন করা কঠিন হইয়া উঠে।

রাজা প্রহান করিলেন। রাণী মনে করিলেন যে, তিনি ‘পুত্রহীনা’ বলিয়া রাজা তাঁহাকে অবহেলা করিয়া বাইতে পারিলেন। তাঁহার একটি পুত্র থাকিলে রাজা এমন করিয়া উপেক্ষা করিতে পারিতেন না। রাণী ক্রুদ্ধ হইয়া সঙ্কর

করিলেন তিনি অপমানিত হইয়া ধূলার পড়িয়া থাকিবেন না, তিনি হইবেন ‘উর্ধ্বকণা ভূজঙ্গিনী আপনার তেজে।’

পরিচারিকা আসিয়া সংবাদ দিল—‘ব্রাহ্মণ অভিশপ্ত বত গেছে চলি’ রাজগৃহ ছেড়ে।’ রাণী নিষ্ঠুর গভীর ভাবে বলিলেন—

জবে হু

হ'ল।.....

দেব-শিখ-হীন রাজগৃহে রাজর্ষণ

কত দিন থাকে-দেখা যাবে। দেখা যাবে।

রাজার পরাভবে এখন তাঁহার আনন্দ বোধ হইতেছে, তিনি নিজের জিদের জর দেখিবার ক্ষম উৎসুক হইয়া উঠিয়াছেন।

দ্বিতীয় অঙ্কের পঞ্চম দৃশ্য—জয়সিংহ স্বগত চিন্তা করিতেছিলেন, অপর্ণা, কাছে ছিল। জয়সিংহ ভাবিতেছিলেন—

তিনটি দেবতা ছিল। এক সেল, শুধু

দুটি আছে বাকি।

জয়সিংহের মনের আরাধ্য আদর্শ ছিলেন তিনজন—দেবী ত্রিপুরেশ্বরীর পাষণ্ড-মূর্তি, তাঁহার পালক-পিতা ও গুরু রঘুপতি এবং মহৎ-চরিত্র রাজা গোবিন্দমাণিক্য। এই তিনের মধ্যে গোবিন্দমাণিক্যের বিসর্জন হইয়া গেল,—তিনি দেবতা ও ধর্মের শত্রু। কিন্তু সেই বিসর্জনে তো তাঁহার মন প্রগল্ভ হইতেছে না। জয়সিংহকে চিন্তিত দেখিয়া অপর্ণা তাঁহার চিন্তার ভাগ লইতে চাহিল। কিন্তু জয়সিংহ নিজের মনের দ্বিধাস্বিত অবস্থার বেদনা ব্যক্ত করিতে পারিলেন না, তিনি অপর্ণাকে ছাড়িয়া চলিয়া গেলেন। ইহাতে অপর্ণা ব্যথিতা হইল, তাহার অভিমানও হইল, সে চিন্তা করিতে লাগিল—

তবে আমি কেহ নই হেথা! মোর নাই

কোনো কাজ! শুধু আমি ভিখারিণী মেয়ে—

দেবো প্রেহ, দেবো না কিছুই!—বুঝি না,

কাঁধি না, ভালবাসি না! শুধু রবো

নিশ্চিন্তে শীতবে। দেখা বাই শুধু দয়া!

গৃহ আর নেই, শুধু দীর্ঘ রাজপথ।

তবে ভিক্ষা ভালো, ভিক্ষা ভালো! জয়সিংহ,

আমি তব সুরলতা নই। আমি নারী!

অপর্ণার অন্তরে নারীত্বের মহিমা ও প্রেম আগ্রত হইয়াছে, সে জয়সিংহকে

জালোবাসিমাছে, সে তাঁহার উপেক্ষা-সম্বন্ধ করিতে পারিতেছে না। তাই তাহার আবার সেই গান মনে পড়িল—‘আমি একেলা চলেছি এ ভবে!’*

রাণী তিন শত পাঠা ও এক শত এক মহিষ বলি দিয়া দেবীর পূজা দিবেন তিনিয়া ভিন্ন গ্রাম হইতে একদল লোক আসিয়াছিল, তাহারা হতাশ হইয়া ত্রিপুরার লোকদের টিটকারী দিতে দিতে চলিয়া গেল।†

রঘুপতি সেনাপতি নয়নরায়কে রাজ্যের বিরুদ্ধে বিদ্রোহী করিয়া তুলিবার জন্ত তাঁহাকে অনেক প্ররোচনা দিতে লাগিলেন, কিন্তু সেনাপতি রাজভক্ত, তিনি বিশ্বাসহস্তা হইতে স্বীকার করিলেন না। রঘুপতি নিজের ধর্মবিশ্বাস রক্ষা করিবার জন্ত অপরকে অধর্ম করিতে, রাজভৃত্যকে বিশ্বাসঘাতক হইতে উত্তেজিত করিতে চেষ্টা করিলেন। তিনি মনে করিয়াছিলেন অধর্মের দ্বারা ধর্ম রক্ষা করিবেন। কিন্তু তিনি তুলিয়া গেলেন যে, যেখানে সত্য শাস্ত্র ধর্ম স্থল হয় সেখানে অধর্মই প্রবল হইয়া উঠে। রঘুপতি সেনাপতিকে বিদ্রোহী করিতে না পারিয়া প্রজাবিদ্রোহ ঘটাইয়া তুলিবার চেষ্টা করিতে লাগিলেন। প্রজাদের দ্বারা মন্দির-রক্ষার ব্যবস্থা করিয়া রঘুপতি বলি দিয়া দেবীর পূজার আয়োজন করিতে লাগিলেন। গৌবিন্দমাণিক্য সেখানে আসিয়া উপস্থিত হইয়া বলি বন্ধ করিয়া দিলেন এবং সেনাপতি নয়নরায়কে আদেশ করিলেন সৈন্ত লইয়া মন্দির রক্ষা করিতে। রঘুপতি রাজাকে ভয় করেন না, তিনি রাজ্যের মুখের উপর স্পষ্ট বলিয়া দিলেন—

আজ নহে মহারাজ রাজ-অধিরাজ,

এই দিন মনে করো আর একদিন।

রাজা রঘুপতির কথার ও ভয়প্রদর্শনের কোনো উত্তর দিলেন না। তিনি বুঝিতেছিলেন যে মন্দিরের পূজারী রঘুপতি বাহা উচিত বলিয়া মনে করেন তাহা ভ্রান্ত, সেই ভ্রান্তি তিনি বুঝিতে পারিতেছেন না। অতএব তাঁহার মনস্কামনা পূর্ণ না হওয়াতে রাজ্যের উপর তাঁহার রাগ হওয়া স্বাভাবিক।

সেনাপতি নয়নরায় রাজ্যের আদেশ পালন করিতে অক্ষম এই কথা রাজাকে বিনীত ভাবে জানাইলেন। তিনি রাজাকে বুঝাইতে চাহিলেন যে, ধর্মের সঙ্গে রাজ-শক্তির কোন সম্পর্ক নাই, ধর্ম মনোজগতের ব্যাপার, আধ্যাত্মিক ব্যাপার ;

* পরবর্তী সংস্করণে জয়সিংহের কন্য চিন্তা ও পরে অপর্ণার প্রবেশ এক জয়সিংহের সহিত কথোপকথনের এই অংশটুকু বর্জিত হইয়াছে।

† পরবর্তী সংস্করণে এইখানে দৃষ্টের আরম্ভ। ইহা সেখানে ১-র অঙ্কের ৫-র দৃষ্ট।

তাহার সঙ্গে বাহ বা দৈহিক বলের কোনো সম্পর্ক থাকিতে পারে না। রাজা সেনাপতিকে বলিলেন—কার্যের সমস্ত দায়িত্ব আদেশদাতা প্রভুর,—নির্বিচারে আদেশপালক ভৃত্যের নহে। কিন্তু সেনাপতি বলিলেন—এই কথার জবাব লায় দিতে চায় না। আমি ভৃত্য হইলেও আমি মানুষ,—আমার একটা স্বাধীন সত্তা আছে, বুদ্ধি ও ধর্মধর্মবোধ আছে, আমি কিছুতেই দেবদ্রোহী ও ধর্মদ্রোহী হইতে পারিব না। তখন রাজা নয়নরায়কে সেনাপতির পদ হইতে অপসারিত করিয়া চাঁদপালকে সেই পদ দিলেন। নয়নরায় চাঁদপালকে অস্ত্র দিতে স্বীকার করিলেন, তিনি রাজ্যের হাতে অস্ত্র প্রত্যর্পণ করিয়া বলিলেন—

যার ধন ভারি হাতে কিরে কিং-আজ
কলকবিহীন।

বিধানী ভৃত্য নয়নরায়কে হারাইয়া রাজা দুঃখিত হইলেন, কিন্তু তিনি মনকে প্রবোধ দিলেন এই কথা বলিয়া যে—‘কৃত্রিম রোহ নাই রাজকাজে।’

জয়সিংহ রাজ্যের পায়ে পড়িয়া তাঁহার বলি নিবেদের আদেশ প্রত্যাহার করিতে অহরোধ করিতে লাগিলেন। কিন্তু দাঁপত রঘুপতি নিজের পুত্রতুল্য জয়সিংহকে রাজ্যের পদানত দেখিয়া জয়সিংহকে বিচার দিলেন, এবং জয়সিংহকে রাজ্যের সম্মুখ হইতে চলিয়া আসিতে আদেশ করিলেন। রঘুপতি রাজাকে ধর্ম ও অবনত করিতে চাহেন, সুতরাং রাজ্যের কাছে জয়সিংহের অবনতি তাঁহার অসম্ব। রাজা রঘুপতির অহকার দেখিয়া ক্রুদ্ধ হইলেন, কিন্তু তিনি স্বরণ করিলেন না যে তিনিও রাজশক্তির অহকারকেই আশ্রয় করিয়া বলি বন্ধ করিতে উত্তত হইয়াছেন। বৃহৎ সত্যকে প্রতিষ্ঠিত করিবার একমাত্র উপায় আত্মিক বল, দৈহিক বল নহে—ইহা রাজা উপলব্ধি করিতে পারেন নাই এবং এই দৈহিক বলপ্রয়োগের মধ্যেও যে একটি অগ্ন্যাতা আছে তাহা তিনি জয়সিংহ করিতে পারেন নাই।

তৃতীয় অঙ্কের প্রথম দৃষ্ট—অস্তঃপুরে গুণবতী বেধ করিতেছেন যে তাঁহার পূজা আবার ফিরিয়া আসিয়াছে। ইহার জন্ত তিনি নিরুদ্ধে বিচার দিতেছেন—

* এ দৃষ্ট পরবর্তী সংস্করণে বর্জিত হইয়াছে।

ধিক! নারী-জয় দীর্ঘ-অপমান শুধু!
সোহাগ যে সেও অপমান, বিরাগ যে
সেও অপমান!

রাণী নিজের প্রতিজ্ঞা-পূরণের পথে বাধা পাইয়া হিতাহিতবোধশূন্য হইয়া উঠিলেন। তাঁহার বলির মানৎ রক্ষা না হওয়াতে রাণী নিজেকে অপমানিত মনে করিলেন, এবং সেই অপমানবোধ তাঁহার রাণীত্বের ও পত্নীত্বের পূর্বক আঘাত করিয়াছে বলিয়া তিনি চাঁদপালকে ডাকিয়া আদেশ করিলেন— 'নির্বাসিত ক'রে দাও এ রাজারে।' চাঁদপাল বলিল—

জনে রাখিলাম তব ফলের
অভিলাষ, ভৃত্য আমি তব অনুগত।

কিন্তু উচ্চবরে সে ঘোষণা করিতে লাগিল—সে মহারাজের আদেশ-পালক বিশ্বাসী ভৃত্য।

রাণী রাজভ্রাতা সুবরাজ নক্ষত্ররায়কে আহ্বান করিয়া তাঁহাকেও আদেশ করিলেন—'তুমি রাজা হও ত্রিপুরার।' কিন্তু নক্ষত্ররায় বুদ্ধিহীন নিরুচ্চম প্রকৃতির। তিনি রাণীর কথার গুঢ় তাৎপৰ্য্য কিছুই না বুঝিয়া রাণীর নিকট হইতে বিদায় লইয়া বাঁচিলেন।

নাটকে সাধারণতঃ পাঁচটি অঙ্ক থাকে; তাহার প্রথম দুই অঙ্কে ঘটনার সূচনা ও দুই বিরুদ্ধ শক্তির সংঘাত দেখানো হয়। তৃতীয় অঙ্কে ঘটনা জটিল ও সমস্তা সঙ্গীন হইয়া উঠে; এবং পরের দুই অঙ্কে সেই সমস্তা শেষ মীমাংসার দিকে অগ্রসর হয়। যদি সেই মীমাংসা সূক্ষম হয়, তবে সেই নাটক হয় কমেডি বা মিলনাস্তক, আর দুঃখময় বিচ্ছেদ-বিয়োগ-সঙ্কল হইলে সেই নাটক হয় ট্রাজেডি বা বিয়োগাস্তক। এই তৃতীয় অঙ্কে বিসর্জন নাটকের পরিণামের সূচনা হইয়াছে।

তৃতীয় অঙ্কের দ্বিতীয় দৃশ্য*—মন্দিরে রঘুপতি, জয়সিংহ ও নক্ষত্ররায়। রঘুপতি নিজের সঙ্কল্পসিদ্ধির উদ্দেশ্যে নক্ষত্ররায়কে কপট প্রতারণার প্রলুব্ধ করিবার জন্য মিথ্যা করিয়া বলিলেন—

কাল রাজ্যে
বন্দন দিয়েছে দেবী, তুমি হবে রাজা।

* পরবর্তী সংস্করণে ইহা ২-য় অঙ্কের ১-য় দৃশ্য।

নক্ষত্ররায় বলিলেন যে তিনি রাজা হইলে রঘুপতিকে মন্ত্রী করিয়া দিবেন। রঘুপতি গর্জন করিয়া উঠিলেন—

মন্ত্রিত্বের পদে
পদাব্যস্ত করি আমি।

রঘুপতি সামান্য বৈষয়িক লাভের জন্য এই চেষ্টা করিতেছেন না, তিনি স্বার্থাশেষী নীচ লোভী নহেন। নক্ষত্ররায় একটু অল্পবুদ্ধি, তিনি জানিতে চাহিলেন যে তিনি কবে রাজা হইবেন? রঘুপতি তাঁহাকে বলিলেন—আগে রাজরক্ত আনিতে হইবে,—দেবী রাজরক্ত চান। নক্ষত্ররায় অস্ততার ভান করিয়া বলিলেন—রাজরক্ত পাব কোথা? এইবার রঘুপতি স্পষ্ট করিয়া বলিয়া দিলেন যে বাড়ীতেই তো রাজা আছেন গোবিন্দমাণিক্য, তাঁহারই রক্ত দেবী চাহেন। এই রাজপ্রোহিতার ও ভ্রাতৃপ্রোহিতার পরামর্শ শুনিয়া জয়সিংহ চঞ্চল হইয়া উঠিলেন, কিন্তু তাঁহার ব্যাকুলতা দেখিয়া রঘুপতি তাঁহাকে নিরস্ত করিয়া নক্ষত্ররায়কে বলিতে লাগিলেন—গোপনে রাজাকে বধ করিয়া—তপ্ত রাজরক্ত দেবীর চরণে আনিয়া দিতে হইবে। রঘুপতি নক্ষত্ররায়ের নিবৃত্তিতাকে ভয় করেন, তাই বলিলেন যে গোপনে কাজ করিতে হইবে। রঘুপতি বলিলেন—'রাজরক্ত চাই—শ্রাবণের শেষ রাত্রে।' রঘুপতি রাজহত্যার একটা দিন নির্দিষ্ট করিয়া দিয়া নিরুচ্চম নক্ষত্ররায়কে কর্মে তৎপর করিবার চেষ্টা করিলেন, এবং শ্রাবণের মেঘাচ্ছন্ন অন্ধকার রাত্রি হত্যার পক্ষে অল্পকাল সময়ও বটে ইহাও জানাইয়া দিলেন। রঘুপতি স্বকার্য উদ্ধারের জন্য নক্ষত্রকে দেবীর আদেশ, রাজ্যলোভ, ধর্মভয়, ও অবশেষে তাঁহারও প্রাণের ভয় দেখাইয়া তাঁহাকে কর্মে প্রোৎসাহিত করিতে চাহিলেন,—তিনি বলিলেন যে যদি নক্ষত্র রাজাকে হত্যা করিতে না পায়েন, তবে তাঁহারই রক্ত দেবী লইবেন; নক্ষত্রও তো রাজপুত্র বটে! দুর্বলচিত্ত নক্ষত্রকে রঘুপতি বিশ্বাস করিতে ও তাঁহার উপর নির্ভর করিতে পায়েন নাই, তাই নানা উপায়ে তাঁহাকে উত্তেজিত করিতে চেষ্টা করিলেন।

নক্ষত্র রঘুপতির কথা শুনিয়া বলিয়া উঠিলেন—

সর্বনাশ! হে ঠাকুর, কাজ কি রাজ্যে?
রাজরক্ত থাক রাজদেহে, আমি বাহা
আছি সেই ভালো।

নক্ষত্ররায় নিজের প্রাণনাশের আশঙ্কায় ও রাজাকে বধ করিবার অনিচ্ছায়

এইরূপ উক্তি করিলেন। তিনি স্বভাবত মূলবুদ্ধি হইলেও জাতার প্রত্যক্ষ স্নেহশীল এক কোনো কাজ চেষ্টা করিয়া কারবার মতো উন্নত জীহার মধ্যে ছিল না। সেইজন্য অল্পবুদ্ধি অস্থিরমতি নক্ষত্রকে রঘুপতি বিশেষ করিয়া বুঝাইয়া দিতে চাহিলেন যে রাজার হত্যাকাণ্ড সম্পাদন নক্ষত্রকেই করিতে হইবে এবং—‘যতদিন নাহি হয়, বন্ধ রেখো মুখ!’ নক্ষত্র বিধায় হইয়া গেলেন।

রঘুপতি লোকচরিত্রাজ্ঞ ও চতুর, তিনি একই কার্যসিদ্ধির জন্য ভিন্নভিন্ন ব্যক্তির অন্তরে তিন প্রকার ভাব সঞ্চার করিয়া দিতে চেষ্টা করেন—সন্তানহীনা রাণীকে সন্তানলাভের লোভ, ধর্ম আস্থাবান নয়নরায়কে ধর্মরক্ষার কর্তব্য, এবং নক্ষত্রকে রাজ্যলোভ দেখাইয়া আয়ত্ত করিতে চেষ্টা করিলেন।

এই সকল ব্যাপার দেখিয়া জয়সিংহ স্তম্ভিত হইয়া গেলেন। তিনি কতক আত্মগত ও কতক গুরুকে সন্বেদন করিয়া বলিলেন—

এ কি কথা শুনিলাম! দয়াময়ি, এ কি
কথা! তোর আজ্ঞা? তাই দিবে ত্রাতৃহত্যা!
বিষের জননী! গুরুদেব, হেন আজ্ঞা
মাতৃ-আজ্ঞা বলে করিলে প্রচার?

জয়সিংহের প্রত্যেকটি কথা কবি বিশেষ কৌশলে প্রয়োগ করিয়াছেন এবং সেই উদ্দেশ্য প্রমিতানযোগ্য। জয়সিংহ দেবীকে ‘দয়াময়ী’ বলিয়া সন্বেদন করিয়াছেন, কারণ দেবীর দয়াতে জীহার সন্দেহ উপস্থিত হইয়াছে; তিনি যদি দয়াময়ী,—তবে চারিদিকে এমন নিষ্ঠুর আয়োজন চলিতেছে কেন? তিনি দেবীকে জিজ্ঞাসা করিতেছেন,—তোর আজ্ঞা তাই দিবে ত্রাতৃহত্যা? দেবতা তো ধর্মরক্ষক, তিনি কেমন করিয়া এমন আদেশ দিতে পারেন? তিনি বিষের জননী হইয়া কেমন করিয়া এই হত্যাকাণ্ড সমর্থন করিবেন? এই দ্বন্দ্ব আঞ্জা দেবীর হওয়া তো দূরে থাক, জয়সিংহের গুরুও যদি হয়, তবু তো তাহা ধর্মবিরোধী কার্য! সরল উদারহৃদয় জয়সিংহ এই ব্যাপারে বিহ্বল হইয়া পড়িলেন।

রঘুপতি জয়সিংহের প্রচ্ছন্ন তিরস্কারে অপ্রতিভ হইয়া নিজের আচরণ সমর্থনের জন্য বলিলেন,—‘আর কি উপায় আছে বলো?’ তিনি অধর্মকে ধর্মরক্ষার উপায় বলিতেও সফোচ বোধ করিলেন না।

জয়সিংহ এতদিন গুরুর কাছে ধর্মধর্ম বলিয়া বাহা শিক্ষা করিয়াছিলেন, তাহা আজ নষ্ট হইয়া যাইতে বলিল। রঘুপতি জয়সিংহের মনের ক্ষিা দেখিয়া কৃষ্ণ ও বাকচাতুরী বিস্তার করিয়া জয়সিংহের বিচার-বুদ্ধি আচ্ছন্ন করিবার চেষ্টা করিতে লাগিলেন। জয়সিংহের নষ্টপ্রায় গুরুভক্তি, গুরুর প্রতি বিশ্বাস ও নির্ভর পুনরুদ্ধার করিবার জন্য রঘুপতির এই প্রয়াস। তিনি বলিলেন যে এই অগৎ মহা-হত্যাশালা,—স্বয়ং বিধাতা প্রতি পলে কত কোটি জীব ধ্বংস করিতেছেন!

ইহা শুনিয়া জয়সিংহ স্নেহের অল্পযোগ করিয়া দেবী-প্রতিমাকে বলিলেন—

তুই রাক্ষসী পাবাপী বটে, মা আমার
রক্ত-পিপাসিনী!

তিনি নিজের বুক চিরিয়া রক্ত দিতে প্রস্তুত আছেন, ‘কিন্তু রাজরক্ত?’ রাজরক্তের কথা মনে হইতেই জয়সিংহ বলিয়া উঠিলেন—‘ভক্তি-পিপাসিনী মাতা, জীয়ে বলো রক্তপিপাসিনী!’ তখন রঘুপতি জয়সিংহকে বলিলেন—‘বন্ধ হোক বলিদান তবে!’ জয়সিংহ উভয়সকটে পড়িয়া গেলেন, একদিকে দেবীর পূজায় বলিদান চিরাগত প্রথা ও অপর দিকে রাজার নিবেদ্য ও বাধা; একদিকে ‘সরল ভক্তির বিধি’ ও অপর দিকে শাস্ত্রবিধি ও গুরুর আদেশ। রঘুপতির কাছে তিনি আবার জিজ্ঞাসা করিলেন যে সত্যই কি দেবী রাজরক্ত চাহেন, তবে তিনিই সেই রাজরক্ত দিবেন। কিন্তু রাজরক্ত আনিতে যাওয়ার মধ্যে বিপদের সমূহ সন্ধান আছে—তাই জয়সিংহের উপর রঘুপতির সমতা জীহাকে বিচলিত করিয়া তুলিল, তিনি জয়সিংহকে বিপদের মুখে যাইতে দিতে চাহেন না, দেবীপূজায় বলি দিবার পথ পরিষ্কার করিবার জন্যও নহে। তিনি জয়সিংহের অবলম্বন-আশঙ্কার চকল হইয়া বলিলেন—‘তোরে আমি মারিব হারাতে!’

জয়সিংহ কিন্তু নিজের প্রশ্ন দ্বিগুণ সত্যার্থ ও গুরুভক্তির সমর্থন করিতে গুরুত্ব প্রকাশ করিতে লাগিলেন। ইহাতে রঘুপতি জীহার কথাকে আয়ল না দিয়া বলিলেন,—‘সে কথা কল্যা হবে ত্বর!’ তিনি মনে করিলেন যে সময় অভিবাহিত হইলে জয়সিংহের সমস্ত শিথিল হইতে পারে, এবং সেক্ষেত্রে তিনি যুক্তিতর্ক দ্বারা জয়সিংহকে নিরস্ত করিবারও সময় পাইবেন।

তৃতীয় অঙ্ক, তৃতীয় দৃশ্য—মন্দিরের সম্মুখপথ, জয়সিংহ একাকী চিন্তাময়।
জয়সিংহের অন্তরে স্বাভাবিক বিবেকবুদ্ধি, সত্যধর্মের আদর্শ, গুরুভক্তি এবং
শাস্ত্রবিশ্বাসের মধ্যে মহাঘর্ষ উপস্থিত। জয়সিংহ স্বভাবত উদারহৃদয় ও
দয়ালুচিত্ত; কিন্তু তিনি আবালা মন্দিরের সর্কারী সীমায় আবদ্ধ থাকতে বৃহৎ
উদার বাহু জগতের সহিত সম্পর্কশূন্য। একদা তাঁহার মানবতা ও চিন্তাবৃত্তি সম্যক
স্মৃতি পায় নাই; কিন্তু এখন প্রকৃত মহত্ত্বের আদর্শে ও অপর্ণার প্রেমের
স্পর্শে তাঁহার অন্তরে হিতাহিত চিন্তা জাগ্রত হইয়াছে এবং তাহা তাঁহাকে
বাহিরের মুক্ত ক্ষেত্রের দিকে আকর্ষণ করিতেছে, তাঁহাকে সর্কারী অন্ধভক্তি এবং
নির্বিচার বিশ্বাসের গণ্ডি হইতে মুক্তি দিবার জ্ঞান আহ্বান করিতেছে। তিনি
একবার গুরুর বাক্য সত্য বলিয়া মানিতে চাহিতেছেন, দেবীপূজার বাধা
অপসারণের জ্ঞান রাজহত্যা ব্রাত্যহত্যা পাপ নহে বলিয়া মনকে বুঝাইতে
চাহিতেছেন; কিন্তু জগতের চারিদিকে যে বিশ্বাস ও আনন্দের দৃশ্য দেদীপ্যমান
দেখিতেছেন তাহাতে সেই অন্ধ নির্ভরতা ভাঙিয়া যাইতেছে। বিখচ্ছন্দে মোগ
দিবার জ্ঞান তাঁহার নির্বাসিত চিত্ত উৎসুক হইয়া উঠিতেছে, তাঁহার চিত্ত যেন
আর্জনা করিয়া বলিতেছে—

পারবি নাকি যোগ দিতে এই হৃদয়ে রে!

থ'লে যাবার ভেসে যাবার ভাঙবারই আনন্দে রে!

সেইজন্ত জয়সিংহ গান ধরিলেন—

আমারে কে নিবি ভাই, সঁপিতে চাই আপনারে।

আমার এই মন গলিরে কাজ ভুলিয়ে সজ্ঞে তোদের নিয়ে যারে।

‘প্রকৃতির প্রতিশোধ’ নাটকের সন্ন্যাসী যেমন বুঝিয়াছিল যে—

বৈরাগ্য সাধনে মুক্তি সে আমার নয়,—

তেমনি জয়সিংহ বুঝিতেছেন যে মানব-সংসর্গ হইতে বিচ্ছিন্ন হইয়া কেবলমাত্র
পাষণ-প্রতিমার পাষণ-মন্দিরের মধ্যে আবদ্ধ হইয়া থাকতে জীবনের আনন্দ
ও সার্থকতা নাই। জগতের সবই যদি মিথ্যা ও বৃহৎ বঞ্চনা হইত, তাহা হইলে
ধরণী বেদনায় বিদীর্ণ হইয়া যাইত। যদিও জয়সিংহ মুখে ঠিক ইহার উল্টা
কথাটাই অপর্ণাকে বলিলেন, ‘তুমি আমি কিছু সত্য নই—তাই জেনে স্বাী

* ইহা পরবর্তী সংস্করণের ২-র অঙ্কের ৩-র দৃশ্য।

হও’—তথাপি তিনি অপর্ণার প্রেমের প্রভাবে আবিষ্ট হইতেছেন, অবশেষে
তিনি অপর্ণাকে বলিলেন—

আয় সখি,

চিরদিন চ'লে যাই দুই জনে মিলে

সংসারের 'পর মিরে'—শূন্য আকাশের

পথে দুই বেলাও নয়।

যখন জয়সিংহ মন্দিরের আবেষ্টনকে মিথ্যা বঞ্চনা বলিয়া অস্বস্ত
করিতেছেন, যখন প্রেমকেই একমাত্র সত্য বলিয়া অহুমান করিতেছেন, তখন
রঘুপতি আসিয়া জয়সিংহকে আহ্বান করিলেন। কিন্তু জয়সিংহ গুরুকে
বলিলেন, ‘তোমারে চিনিনে আমি’। বৃহৎ সত্যের সন্ধে পরিচয়ের ফলে
জয়সিংহের সর্কারীতার সন্ধে অপরিচয় ও বিচ্ছেদ ঘটিতেছে। সংসার ও
সর্কারীতা-রূপী রঘুপতির ভাকে জয়সিংহের চিত্ত এখন আর সাড়া দিতে চায় না।
তিনি গুরুর মুখের ঔপরি বলিয়া দিলেন যে, তিনি ভিক্ষাপাত্র হাতে লইয়া তাঁহার
ভিখারিণী স্বরীর সহিত সন্নয় পথে চলিয়া যাইবেন। অতএব ‘কী কাজ শাস্ত্রের
বিধি, কী কাজ গুরুতে!’ জয়সিংহ সর্কারী সংসারের বিরুদ্ধে স্পষ্ট বিদ্রোহ
ঘোষণা করিলেন। কিন্তু পরক্ষণেই তাঁহার মনে হইল—মুক্তিটাই স্বপ্ন, আর
মন্দিরের আবেষ্টনই সত্য,—নির্ভর সত্য! তিনি গুরুকে ছুসিকা বেধাইয়া
বলিলেন যে, তিনি গুরুর আদেশ ফুলেন নাই। ক্রিয়ামিত্ত জয়সিংহ
চিরাগ্রত প্রথার ও সংসারের মোহমুক্ত হইতে পারিলেন না। অচলায়তনের
প্রাচীর তো শূন্য জগতে না। অধিক মুক্তির আকাঙ্ক্ষা তাঁহাকে স্বপ্ন
করাইয়া দিল যে তিনি কল্পযানি বন্ধ। জয়সিংহ গুরুকে জিজ্ঞাসা করিলেন,—
তাঁহার আর কি আদেশ আছে? গুরু বলিলেন,—এ বালিকাকে মন্দির হইতে
দূর করিয়া দাও। রঘুপতি ক্রুদ্ধিতে পারিতেছিলেন যে, অপর্ণা, বহির্জগতের
দূতী-রূপে আসিয়া জয়সিংহকে বৃহৎ উন্মুক্ত ক্ষেত্রের মধ্যে অপহরণ করিয়া লইয়া
যাইতে উদ্ভত হইয়াছে। জয়সিংহ গুরুর সম্মুখে স্বীকার করিলেন—

আমারি মস্তন

স্বামীহীন, অকটক পুষ্পের কলস

নির্দোষ, নিষ্পাপ, হৃদয়, সন্নয়, গুরু,

স্বকোমল, কোমল-কাজর; দুঃ করে

দিতে হ'বে গুরে? তাই নিব গুরুদেব!

জয়সিংহ অপর্ণাকে চলিয়া যাইতে, মরিয়া যাইতে আবেশ করিলেন।—

মরে না অপর্ণা! কুমারের
বাহিরেতে কিছুই না থাকে যদি, আছে
তবু দরামত মুক্তা।

অপর্ণা সংসারে যদি দয়া-মায়া স্নেহ প্রেম—এ সকলের কিছুই না পায়, তবে
সেই এক সত্য মুক্তাকে সে লাভ করিবেই, মুক্তা তাহাকে জাগ করিবে না।

অপর্ণা জয়সিংহকে আহ্বান করিল—চলো দুইজনে মন্দির ছাড়িয়া চলিয়া
যাই! কিন্তু জয়সিংহ তো যাইতে পারিবেন না,—

দেবারো না স্বাধীনতা-প্রলোভন—
কদী আদি সত্য-কারাগারে।

তিনি গুরুর কাছে যে শপথ করিয়াছেন সেই অঙ্গীকারে তিনি বন্ধ, তিনি নিরঙ্কর
বাক্যের কারাগারে বন্দী।

অপর্ণা জয়সিংহকে পরিত্যাগ করিয়া চলিয়া যাইবে না। জয়সিংহ তাহাকে
বলিলেন,—‘এই নারী-অভিমান তোর?’ কিন্তু অপর্ণা এখন তাহার প্রতি-
জয়সিংহের উদ্বাসীনতার কারণ বুঝিতে পারিয়াছে, এখন আর তাহার
অভিমান নাই—

অভিমান কিছু নাই আর। জয়সিংহ,
তোমার বেদনা, আমার সকল ব্যথা
সব গর্ব চেয়ে বেশি। কিছু মোর নাই
অভিমান।

অপর্ণা যাইতে অস্বীকার করিল। তখন জয়সিংহ বলিলেন—তুই না গেলে
আমি চলিয়া যাইব, অথবা তোর মুখদর্শন করিব না। তখন ব্যথিতা অপর্ণা
রঘুপতির ব্রাহ্মণকে ধিক্কার দিয়া অভিষাপ দিয়া গেল—

আমি ক্ষুদ্র নারী
অভিষাপ দিবে সেহু তোরে, এ বন্ধনে—
জয়সিংহে পারিবি না বাঁধিয়া রাখিতে!

অপর্ণা ক্ষুদ্রা নারী হইলেও সে-প্রেমের শক্তিতে মহীয়সী; প্রেমবন্ধনপিনী
অপর্ণা আত্মশক্তি সম্বন্ধে সচেতন, সে জানে যে প্রেম বিশ্ববিজয়ী। তাই সে
স্বার্থপর সহিত বলিয়া গেল যে বিশ্বপ্রেম ও অন্ধ সংস্কারের দ্বন্দ্ব প্রেমের জয়
অনিবার্য।

রঘুপতি অপর্ণার বিরহে জয়সিংহকে কাতর দেখিয়া তাঁহাকে মাঞ্চনা দিতে
চেষ্টা করিতে লাগিলেন। রঘুপতি কুলংকার-বশে কঠোর-প্রকৃতি হইলেও
একেবারে স্নেহশূন্য নহেন, তাহার সমস্ত প্রাণমন অধিকার করিয়া জয়সিংহের
প্রতি স্নেহ বিরাজ করিতেছে। তিনি চাহেন যে তিনি যেমন জয়সিংহকে
সর্বাতিরিক্ত স্নেহ করেন, জয়সিংহও তেমনি নিয়বচ্ছিন্ন তাহারই থাকেন, আর
কাহারও প্রতি বেন তাহার মন আকৃষ্ট না হয়। রঘুপতি রূপণের ধনের জায়,
কাঙালের সঞ্চলের জায় জয়সিংহকে নিজের স্নেহ দিয়া ঘিরিয়া বন্দী করিয়া
রাখিতে চাহেন। কিন্তু যুবক জয়সিংহ এখন কেবল পিতার স্নেহ পাইয়া
পরিহৃত্ত বোধ করিতেছেন না, রমণীর প্রেমের আকাঙ্ক্ষা তাঁহাকে বিচলিত
করিয়াছে। তাহা হইতে বঞ্চিত হইয়া তিনি গুরুর স্নেহ-প্রকাশের কোনো
অর্থ খুজিয়া পাইতেছেন না—

শাক প্রভু, বোলো না স্নেহের
কথা আর! কর্তব্য রহিল শুধু মনে।
স্নেহ-প্রেম তরু-লতা-পত্র-পুষ্প-সম
ধরণীর উপরেতে শুধু, আসে যার
শুকার মিলার সব নব বসবৎ! নিয়ে
শুক রূপ পাষণের ভূপ থাকে চির-
রাত্রিদিন, অনন্ত-স্বয়ম্ভার-সম!

রঘুপতি বুঝিতে পারিলেন না কেন তিনি জয়সিংহের মন আর পাইতেছেন না!

তৃতীয় অঙ্কের চতুর্থ দৃশ্য—মন্দির-প্রাঙ্গণে জনতা বলি-বন্ধের কারণ আলোচনা
করিতেছে।* একজন বলিল, রাজাকে নিশ্চয় মুসলমানের ভূতে পাইয়াছে, কারণ
মুসলমানেরা মূর্তিপূজার বিরোধী। যেখানে যত অমঙ্গল অহুবিধা ঘটতেছে;
কুলংকারাঙ্ক লোকেরা তাহার একই কারণ অহুমান করিতেছে—ভাবিতেছে যে,
রাজার দ্বারা বলি-নিবেদন রাজ্যের সকল অমঙ্গলের মূল কারণ। ক্ষুদ্র ক্ষুদ্র
অলঙ্কার সম্মিলিত হইলেই বিদ্রোহ উপস্থিত হয়, তাহারই পূর্বসূচনা জনতার
অহুমান পাওয়া যাইতেছে। প্রজাদের মনে রাজার প্রতি বিরাগ ও অবজ্ঞার
সহিত ভয়ও মিশ্রিত হইয়া আছে।

জনতা চলিয়া গেল। রাজা একে সন্নে করিয়া সেখানে আসিলেন। তিনি
কোড প্রকাশ করিতেছেন যে তাঁহাকে সকলে পরিত্যাগ করিয়াছে, তাঁহাকে

* ইহা পরবর্তী সংস্করণে ২-য় অঙ্কের ৪-র্থ দৃশ্য।

দেখিয়া প্রজারা ঘর বন্ধ করিয়া দিতেছে, কেহ তাঁহার মুখদর্শন করিতে চাহে না। এমন কি রাণী বিমুখ হইয়াছেন, পুত্রতুল্য প্রিয় জয়সিংহও তাঁহাকে দেখিয়া মুখ ফিরাইয়া! সকলে পরিত্যাগ করিয়াছে, রাজার সঙ্গী আছে একমাত্র বাহা ঞ্চ, বাহা সত্য, বাহা সহজ সরল, বাহা মহৎ। এই ভাবটিকে বুঝাইবার জন্য রাজার সঙ্গে কেবলমাত্র ঞ্চকে কবি উপস্থিত করিয়াছেন। ইহা একটি চমৎকার নাটকীয় কৌশল। রাজা সকলের বিমুখতা সহ্য করিতে প্রস্তুত,

কিন্তু প্রেম পুঙ্ক হ'রে

সমুখে বাঁড়ায় হবে, সে বড় দুঃসহ
বাধা।

রাজার সঙ্গে ছিল ঞ্চ, সত্যের প্রতীক। কিন্তু সে প্রবঞ্চক ও মিথ্যার প্রতিমূর্তি চাঁদপালকে আসিতে দেখিয়া পলায়ন করিল, চাঁদপালকে সে বড় ভয় করে। চাঁদপাল আসিয়া রাজাকে সংবাদ দিল যে সে স্বকর্ণে শুনিয়াছে রঘুপতি ও যুবরাজ নন্দজরায় মিলিয়া রাজাকে হত্যা করিবার পরামর্শ করিয়াছেন, এবং নন্দ্র মেবতার কাছে রাজরক্ত আনিয়া দিবেন বলিয়া প্রতিশ্রুত হইয়াছেন। ইহা শুনিয়া রাজা বলিলেন—

মেবতার কাছে! তবে আর নন্দ্রের
নাই মোঘ। জানিরাছি, মেবতার নামে
মহত্ব হারার মাম্ব।

রাজা চাঁদপালকে বিদায় দিয়া দেবী-প্রতিমাকে উদ্দেশ্য করিয়া বলিতে লাগিলেন—

রক্ত নহে, ফুল জানিরাছি, মহাদেবী,
... .. হিংসা নহে,
বিতীর্ণিকা নহে, শুধু জড়িত, শুধু প্রেম!

রাজা পত্নীর বিরূপতা, ভ্রাতার বিপক্ষতা, প্রজার অসন্তোষ দেখিয়া মনে করিতেছেন যে, তিনিই সকল অনর্থ ও অশান্তির মূল। নিঃস্নেহ জীবন-ধারণে কোনো আনন্দ নাই; অতএব তাঁহার স্বত্বাভে যদি সকল উপদ্রবের শান্তি হয় তো তাহাই শ্রেয়ঃ। কিন্তু—

রাজহত্যা! তাই নিয়ে ভ্রাতৃহত্যা!

সমস্ত প্রজার বুক লাগিবে বেধনা,
সমস্ত ভাইয়ের প্রশ্ন উঠিবে কাদিয়া!

জগতে যেখানে যে অজ্ঞায় অহুষ্ঠিত হোক না কেন, তাহার আঘাত বিশ্বপ্রাণে পিয়া লাগে; একস্থানের রাজকৌহিতায় সকল দেশের প্রজাদের অকল্যাণ হয়, এক ভাইয়ের অপকর্মের দ্বারা জগতের সকল ভ্রাতৃস্ব নিপীড়িত হয়। কিন্তু এই হত্যার দ্বারা দেবতার নামে যে নৃশংস হত্যাকাণ্ড নিত্য অহুষ্ঠিত হইতেছে, তাহার স্বরূপ প্রকাশিত হইবে,—

মোর রক্তে হিংসার ঘুচিবে দাতুবেশ,
প্রকাশিবে রাক্ষসী-আকার।

সকল অমঙ্গল হইতে মঙ্গলের আবির্ভাব হইয়া থাকে, অতএব রাজার প্রাণ দিলে যদি সত্যার্থ স্ব-রূপে প্রকাশিত হয় তবে তাহাও জ্ঞাঘ্য। সত্যপ্রচারকের আত্মদানেই সত্য সুপ্রতিষ্ঠিত হইয়া আসিয়াছে যুগে যুগে।

এমন সময়ে জয়সিংহ আসিয়া দেবীকে জিজ্ঞাসা করিলেন, 'বলু চণ্ডী, সত্যই কি রাজরক্ত চাই?' জয়সিংহ গুরুর আদেশ অবসৃত্য ও কল্যাণময় বলিয়া কিছুতেই স্বীকার করিতে পারিতেছিলেন না, তাই তিনি দ্বিধাশ্রিত চিন্তে দেবীর সমর্থন প্রার্থনা করিলেন। তিনি রাজাকে একাকী পাইয়াও স্থানলগ্নের মতন বধ করিতে পারিলেন না, তিনি দেবীর প্রত্যাদেশ প্রার্থনা করিলেন। রঘুপতি দেবী-প্রতিমার অন্তরাল হইতে দেবীর প্রত্যাদেশ বলিয়া নিজের ইচ্ছা ঘোষণা করিলেন। কিন্তু সত্যদর্শী রাজা গোবিন্দমাণিক্য রঘুপতির মিথ্যা প্রবঞ্চনা জয়সিংহের নিকটে উদ্ঘাটন করিয়া দিলেন। জয়সিংহ আর দ্বিধার মধ্যে ক্রমাগত আন্দোলিত হইতে পারিতেছিলেন না, তিনি বাহা হয় একটা কিছু করিয়া ফেলিয়া নিশ্চিন্ত হইতে পারিলে বাচেন, যে অবিশ্বাস-দৈত্য তাঁহাকে কুল হইতে অকূলে ঠেলিয়া লইয়া চলিয়াছে, তাহাকে তিনি বধ করিয়া নিশ্চিন্ত হইবার জন্য ব্যগ্র। কিন্তু তিনি বুঝিতে পারিতেছিলেন না যে, যে অবিশ্বাস-দৈত্য তাঁহাকে অজ্ঞায়-অহুষ্ঠানে দ্বিধাশ্রিত করিয়া তুলিয়াছে, তাহা প্রকৃতপক্ষে তাঁহার মহত্বেরই কল্যাণময়ী শক্তির বিকাশ। ভ্রাতৃ ও শ্রান্ত জয়সিংহ গুরুর প্রবঞ্চনা জানিয়াও আর দ্বিধার মধ্যে আন্দোলিত হইতে চাহেন না, তাই তিনি বলিলেন, 'শুধু হোক, কিংবা দেবী হোক, একই কথা!' এই বলিয়া তিনি ছুরিকা উন্মোচন করিলেন; কিন্তু তিনি তো অমাহুষ নহেন, তিনি অজ্ঞায় রক্তপাত করিতে পারিলেন না, তিনি কাতর কণ্ঠে দেবীকে সম্বোধন করিয়া বলিয়া উঠিলেন—

কুল নে যা!

পারে খরি, শুধু ফুল নিয়ে হোক তোরা

পরিভোষ! আর রক্ত না মা, আর রক্ত
নয়। এও যে রক্তের মতো রাঙা, দুটি
জ্বাংফল! পৃথিবীর মাতৃবক্ষ ফেটে
উঠিয়াছে ফুটে, সন্তানের রক্তপাতে
বাণিত ধরার স্নেহ-বেদনার মতো।

জয়সিংহের মনুগ্রন্থ ও শ্রীকৃষ্ণ ভক্তি তাঁহার আবাল্যা-পোষিত সংস্কারের উপর জয়ী
হইয়া উঠিল। এমন সময়ে অপর্ণা আসিয়া জয়সিংহকে মন্দির ছাড়িয়া তাহার
সহিত চলিয়া যাইতে আহ্বান করিল। অমনি আবার জয়সিংহের মনে প্রতিক্রিয়া
আরম্ভ হইল।

জয়সিংহ ব্যতীত সকলে প্রস্থান করিল। রঘুপতি আসিয়া জয়সিংহকে
ভৎসনা করিলেন—

সব ভেঙে

দিলি! ব্রহ্মশাপ ফিরাইলি অর্ধপথ
হ'তে। লজ্জিলি গুরুর বাক্য! বার্থ ক'রে
দিলি দেবীর আদেশ! আপন বুদ্ধিরে
করিলি সকল হ'তে বড়!

'রাজা ও রাণী' নাটকের রাজ-বয়স্ক দেবদত্ত জীবেরী ব্রহ্মশাপ লাভ করিয়া
স্বপ্ন করিয়া বলিয়াছিলেন, 'ব্রাহ্মণের লাঠিতে কেউ কেউ মরে শুনেছি, কিন্তু
ব্রাহ্মণের কথায় কেউ মরে না।' এখানে রঘুপতি নিজের অজ্ঞাতসারে সেই প্রকার
বিক্রপাত্মক কথাই বলিয়া ফেলিলেন—রঘুপতির ব্রহ্মশাপে তো রাজা মরিবেন
না, তাই জয়সিংহকে দিয়া সেই ব্রহ্মশাপ ফলাইবার চেষ্টা! রঘুপতি কিন্তু একটি
সত্য কথা বুঝিতে পারিয়াছেন যে জয়সিংহ আপন বুদ্ধিকে সকল হইতে বড়
করিয়া তুলিয়াছিলেন বলিয়াই গুরুর অশ্রয় আদেশ অথবা দেবীর নামে মিথ্যা
আদেশ হইতে এবং সংস্কারের অক্ষতা হইতে অব্যাহতি পাইয়াছিলেন। কিন্তু
দুর্বলচিত্ত জয়সিংহ আবার গুরুর বশুতা স্বীকার করিলেন এবং নিজের সঙ্কল্পিত
কর্তব্য-পালনে অক্ষমতার জন্ত গুরুর নিকটে প্রাণদণ্ড প্রার্থনা করিলেন। তিনি
নিজের প্রাণদান করিয়া অব্যাহতি লাভ করিবার জন্ত ব্যাকুলতা প্রকাশ
করিলেন। কিন্তু রঘুপতি তো জয়সিংহের প্রাণ চাহেন না, তিনি তাঁহাকে
প্রাণদণ্ডের অপেক্ষা গুরুতর দণ্ড দিবেন বলিয়া দেবীর চরণ স্পর্শ করাইয়া শপথ
করাইলেন,—তাঁহাকে দিয়া বলাইলেন—

আমি এবে দিব সাক্ষরত,
স্বাক্ষরের শেব স্নেহে, দেবীর চরণে।

চতুর্থ অঙ্কের প্রথম দৃশ্য—রঘুপতি জনতাকে বিক্রোহী হইয়া উঠিতে
প্রয়োচনা দিতেছেন।* তিনি দেবী প্রতিমার মুখ ফিরাইয়া রাখিয়াছিলেন এক
আহাদিগকে সেই বিমুখী প্রতিমাকে দেখাইয়া বলিলেন যে, রাজার অনাগারে দেবী
রিমুখী হইয়াছেন। কুসংস্কারাজ, পদের বুদ্ধিতে চালিত, সাধারণ লোকদিগকে
রঘুপতি ভয় দেখাইয়া স্বাক্ষরিত করিবার সকল প্রকার উপায় অবলম্বন
করিতে জটিল করেন নাই। কিন্তু জয়সিংহের মনে সন্দেহ উকি মারিতেছিল যে
ইহার মধ্যে দৈবীশক্তি অপেক্ষা মানবীয় ধূর্ততা অধিক প্রকাশ পাইতেছে।
কিন্তু জয়সিংহ তাঁহার স্বকীয় রঘুপতির সহিত কোন কথা আলোচনা করিবার
অবসর পাইলেন না। জয়সিংহকে লইয়া রঘুপতি মন্দির হইতে চলিয়া
গেলেন।

রাজা আসিলেন। রাজার নিকটে সকল লোক দেবীকে ফিরাইয়া আনিবার
জন্ত আবেদন করিল। রাজা প্রজাদিগকে, বিশেষ করিয়া নারীদিগকে, মাতৃস্নেহ
পবিত্র স্নেহমধুর সম্পর্কের কথা স্মরণ করাইয়া দিতে লাগিলেন এবং সেই মাতৃ-
স্নেহের সহিত পাব্যপ্রতিমার স্বাক্ষরিতাবের তুলনা করিয়া বলিলেন যে, যদিও
বিশ্বমাতার চক্ষুর সম্মুখে বহু হত্যা ও অজ্ঞায় সন্তান হইয়াছে ও হইতেছে,
তথাপি বিশ্বজননীর মাতৃতাব চিরন্তন হইয়া বিদ্যমান আছে। কিন্তু প্রজারা মুর্থ,
তাহারা যুক্তিতর্ক বুঝে না, দার্শনিকতা বুঝে না; তাহারা চিরাগত প্রথা সংস্কার
ও বাহ্য স্থূল ব্যাপার দ্বারা নিজদের মত গঠন করে। রাজার যুক্তিতর্কে
প্রজাদের মনের সন্দেহ যুটিল না। কিন্তু যখন অপর্ণা প্রতিমার মুখ মন্দিরের
দ্বারের দিকে ফিরাইয়া দিল, তখন দেবতার প্রশমতা অহ্বান করিয়া তাহারা ভুট্ট
হইল। জনসাধারণ চাক্ষু প্রত্যয়কেই বড় বলিয়া মনে করে। রাজা বুদ্ধির
যুক্তি দিতে চাহিয়াছিলেন, কিন্তু সাধারণ লোককে তাহার অল্পমুখ দেখিয়া
অপর্ণা স্থূল চাক্ষু উপায়ে তাহাদের প্রত্যয় প্রত্যয়ন করিল। সকলে
জয়সিংহকে দিয়া মন্দির-প্রাঙ্গণ হইতে প্রস্থান করিল।

জয়সিংহ মোহমুক্ত হইয়াও আপনার বুদ্ধির উপর নির্ভর করিতে
পারিতেছিলেন না। রঘুপতির সত্যনিষ্ঠা ও সরলতা সন্দেহে তাঁহার সংস্র

* ইহা পরবর্তী সঙ্করণে ৩য় অঙ্কের ১ম দৃশ্য।

উপস্থিত হইয়াছে, তিনি আর গুরুকে সম্পূর্ণ বিশ্বাস করিতে পারিতেছেন না, অথচ তাঁহার মনে এমন বল নাই যে স্পষ্ট করিয়া গুরুকে ইহার জন্ত দোষী করেন অথবা গুরুকে পরিত্যাগ করেন। তাই তিনি গুরুর মুখ হইতে শুনিবার জন্ত জিজ্ঞাসা করিলেন, 'সত্য বলো প্রভু, তোমারি এ কাজ?' রঘুপতি প্রজাদের কাছে যে বিখ্যা আচরণ করিয়াছিলেন, বুদ্ধিমান জয়সিংহের কাছে তাহা টিকিবে না বুঝিয়া তিনি সত্য কথা অকপটে স্বীকার করিলেন! তিনি বুঝিতে পারিতেছিলেন যে, জয়সিংহের মনে গুরুর আচরণের প্রতি অপ্রীতি ও সংশয়ের উদয় হইয়াছে; ইহা জয়সিংহের প্রকাশ্য বিব্রোহের জন্ত পথ প্রস্তুত করিয়া দিতেছে। পাছে জয়সিংহ বিব্রোহী হইয়া তাঁহার আয়ত্তের বাহিরে চলিয়া যান, রঘুপতির মনে এই ভয় অনেক দিন হইতে জাগিতেছিল। তাই তিনি অপর্ণাকে ভয় করেন, রাজার প্রতি জয়সিংহের লঙ্ঘনকে ভয় করেন। রঘুপতি কুতূর্ভঙ্গাল বিস্তার করিয়া জয়সিংহকে স্তোক দিবার চেষ্টা করিতে লাগিলেন, তিনি যে প্রজাদের প্রভাষণ করিবার জন্ত প্রতিমার মুখ কিরাইয়া দিয়াছিলেন, তাহার কারণ এই যে, সাধারণ মূর্খ লোকে 'চোখে চাহে দেখিবারে, চোখে বাহা দেখিবার নয়!' 'বিখ্যা দিবে সত্যেরে বুঝিতে হয় তাই!' গুরুর কুতূর্ভঙ্গালে আচ্ছন্ন হইয়া জয়সিংহ আবার সংশয়ে নিমগ্ন হইলেন, গুরু তাঁহাকে বুঝাইয়াছেন,—কোথাও কোনো সত্য নাই, সমস্তই বিখ্যার মায়া, সেই মহামিথ্যারই নাম মহামায়া!

চতুর্থ অঙ্কের তৃতীয় দৃশ্য*—প্রাসাদকক্ষে চাঁদপাল আসিয়া রাজা গোবিন্দ-বাণিক্যকে সংবাদ দিয়া গেল যে প্রজারা অসন্তুষ্ট হইয়া তাঁহাকে সিংহাসন-চ্যুত করিবার আয়োজন করিতেছে। চাঁদপাল নিজের আর্থসিদ্ধির জন্ত এবং রাজার বিশ্বাসভাজন হইবার জন্ত রাজাকে মাঝে মাঝে এক-একটা বিপদের সংবাদ দিয়া সাবধান করে।

রাণী আসিলেন। রাজা যখন বাহিরের বিষেষের পরিচয়ে ব্যথিত, তখন তিনি রাণীর প্রেমের আশ্রয় প্রার্থনা করিলেন, কিন্তু রাণী তাঁহার সহিত বাক্যালাপ না করিয়া বিমুগ্ন হইয়া চলিয়া গেলেন।

নক্ষত্ররায় আসিলেন। ঞ্বে বালক, খেলাচ্ছলে সেখানে আসিয়া রাজার মুহূর্ত চািল। রাজা তাহার মাথায় সেটি পরাইয়া দিলেন। ঞ্বে তখন

* ইহা পরবর্তী সংস্করণে ৩য় অঙ্কের ২য় দৃশ্য।

নক্ষত্ররায়কে জিজ্ঞাসা করিল, 'কাকা, তুমি রাজা হবে? এই যে মুহূর্ত!' ঞ্বে এই কথার মধ্য দিয়া কবি নাটকীয় ঘটনার পূর্বাভাস দিয়াছেন। ঞ্বে কথার শুনিয়া নক্ষত্ররায়ের মনে রঘুপতির প্রলোভনের কথা উদয় হইল। তিনি রাজা হইতে উৎসুক, কিন্তু রাজাকে হত্যা করিবার মতন উৎসাহ তাঁহার মধ্যে নাই। তিনি ঞ্বে কথার শুনিয়া অশ্রমনক হইয়া ভাবিতে লাগিলেন,—তাঁহার রাজা হইবার জন্ত যে রাজরক্ত চাই,—তাহা কেমন করিয়া কে সংগ্রহ করিয়া দিতে পারিবে?

রাজা ইতিপূর্বেই সংবাদ পাইয়াছিলেন যে নক্ষত্র তাঁহাকে হত্যা করিবার জন্ত রঘুপতির সহিত ষড়যন্ত্রে যোগ দিয়াছেন। এখন নক্ষত্ররায়কে উন্নয়ন দেখিয়া ভাইকে স্পষ্ট জিজ্ঞাসা করিলেন যে, তিনি কি রাজাকে হত্যা করিবার অবসর খুঁজিতেছেন। রাজা ভাইকে কাতর স্বরে মধুর ভৎসনা করিয়া অবশেষে বলিলেন—

এই বন্ধ করে দিহু

ধার, এই নে আমার তরবারি, মার
অবারিত বন্ধে, পূর্ণ হোক মলকান!

নক্ষত্র চিরকালই ভ্রাতৃবৎসল, তাহার উপর ভ্রাতার উদার আশ্রয়তাগ ও আশ্রয়সম্পর্ক নক্ষত্রকে একেবারে অভিভূত করিয়া জয় করিল; তিনি ভ্রাতার কাছে ক্ষমা প্রার্থনা করিলেন, এবং ক্ষমা লাভ করিয়া বলিয়া ফেলিলেন—

রঘুপতি দেয় কুমন্ত্রণা। রক্ষ মোরে
তার কাছ হ'তে।

দুর্বলপ্রকৃতি নক্ষত্ররায় রঘুপতির দুষ্ট প্রভাব হইতে ভ্রাতার দৃঢ়তার নিকট আশ্রয় প্রার্থনা করিলেন। রাজা ভাইকে অভয় দিলেন।

চতুর্থ অঙ্ক, চতুর্থ দৃশ্য, অন্তঃপুরের কক্ষ*—রাণী গুণবতী একাকিনী চিন্তামগ্না, তিনি ভাবিতেছেন—

শুনেছি নারীর রোষ পুরুষের কাছে
শুধু শোভাময়-আভাময়, তাপ নাহি
তাহে, হীরকের দীপ্তি-সম। ধিক্ থাক
শোভা! এ রোষ বজ্রের মতো হ'ত যদি,

* ইহা পরবর্তী সংস্করণে ৩য় অঙ্কের ৩য় দৃশ্য।

পড়িত প্রাসাদ-পরে, ভাঙিত রাজ্যের
নিজা, চূর্ণ হ'ত রাজ-অঙ্কুর, পূর্ণ
হ'ত রাণীর মহিমা।

রাণী ভাবিতেছেন যে পুরুষ নারীর রোষের শোভা দেখিয়া আনন্দ বোধ করে, কিন্তু সেই রোষে জালা ও আঘাত না থাকতে তাহারা যাতনায় অধীর হইয়া নারীর অধীন হয় না। রাণী আপনার রাণী-মহিমার অভাব অনুভব করিয়া অধীর হইয়াছেন। এমন সময়ে দেখিলেন ধ্রুব রাজার কাছে যাইতেছে। রাণী যখন কল্পনায় নিজেকে স্বামিপ্রেমবঞ্চিতা মনে করিয়া ক্ষুণ্ণ, তখন তিনি ধ্রুবকে রাজার কাছে যাইতে দেখিয়া ঈর্ষায় জলিয়া উঠিলেন। তিনি ইহা বিবেচনা করিয়া দেখিলেন না যে, রাজা সকলের দ্বারা পরিত্যক্ত হইয়া নিজের ক্ষুণ্ণ চিত্তকে বিনোদিত করিবার জন্য এই সরল শিশুর সাহচর্যই আশ্রয় করিয়াছেন। সে শিশু তো কোনো স্বার্থবুদ্ধির বা সংস্কারের বশীভূত নহে, সে কেবল অনাবিল প্রীতির বশ। কিন্তু রাণী মনে করিলেন যে, ঐ অনাথ বালক-সুজাত রাজপুত্রের প্রাপ্য পিতৃস্নেহ উচ্ছিন্ন করিয়া রাখিতেছে। তিনি ঈর্ষায় কাতর হইয়া আবার দেবীর কাছে একটি শিশু পাইবার জন্য প্রার্থনা করিতে লাগিলেন। এমন সময়ে রাণী দেখিলেন—সেইদিকে নক্ষত্র আসিতেছেন। রাণী নক্ষত্রকে আহ্বান করিতেই নক্ষত্র তাড়াতাড়ি বলিয়া উঠিলেন—‘আমি রাজা নাহি হইয়া!’ চারিদিকে সকলে তাঁহাকে রাজা হইতে প্রলুব্ধ করিতেছে, অথচ তিনি তাহার উপযুক্ত আয়োজন করিতে অক্ষম এবং রাজাও তাঁহার এই বড়বয়ের সংবাদ জানিয়া বসিয়া আছেন, এইজন্য নক্ষত্ররায় আগেই রাজা হইতে অনিচ্ছা প্রকাশ করিয়া ফেলিলেন। নক্ষত্র রাণীর সঙ্গে কথা বলেন, আর কেবলই সেই রাজা হইতে অনিচ্ছার প্রসঙ্গ উত্থাপন করেন। তাঁহার মনে রাজা হইবার ইচ্ছা আছে অথচ উত্তম নাই, এই জন্য দ্বিধা পদে পদে। রাণী নক্ষত্রকে ধ্রুবের প্রতি ঈর্ষাপরায়ণ করিয়া তুলিবার চেষ্টা করিতে লাগিলেন, নক্ষত্রকে স্মরণ করাইয়া দিলেন যে, ধ্রুব রাজমুকুট মাথায় পরিয়া খেলা করে, কোন দিন সেই মুকুট সে-ই অধিকার করিয়া বসিবে, সুবরাজ ফাঁকিতে পড়িবেন। অতএব নক্ষত্রের উচিত তাঁহার পথের ঐ ক্ষুদ্র অথচ তীক্ষ্ণ কণ্টকটিকে উৎপাটন করিয়া অপসারণ করা। দুর্বলপ্রকৃতি ও অল্পবুদ্ধি নক্ষত্র রাণীর কথা মূখস্থ করিতে করিতে প্রসন্ন করিলেন।

চতুর্থ অঙ্ক, পঞ্চম দৃশ্য—মন্দিরের সোপানে জয়সিংহ বসিয়া চিন্তা

করিতেছেন।* এতদিন পর্বস্ত দেবীপ্রতিমাকে সত্য জানিয়া তিনি যে নির্ভর পাইয়াছিলেন, এখন রঘুপতির বাক্যে ও ব্যবহারে সেই প্রতিমা অসার ও মিথ্যা প্রতিপন্ন হওয়াতে দেবতার প্রতি, বিশ্বাস ও ভক্তি হারািয়া তিনি একান্ত নিরাশ্রয় ও অবলম্বন-রহিত বোধ করিতেছেন। তাঁহার মনে এই খেদও উদ্ভিত হইয়াছে যে এই মনুষ্যজীবনের দুর্গুণ ঐকান্তিক ভক্তি শ্রদ্ধা তিনি ঐ ক্ষুদ্র জড়রূপ মিথ্যার পদে দান করিয়া নিষ্ফল ও ব্যর্থ করিয়াছেন। এমন সময়ে অপর্ণা আসিয়া উপস্থিত। বাহু জগৎ বৃহৎ উদার সত্য ও প্রেম লইয়া বারংবার অপর্ণার রূপে জয়সিংহের সম্মুখে উপস্থিত হইয়া তাঁহাকে সঙ্গীর্ণ গণ্ডি হইতে প্রমুক্ত হইবার জন্য আহ্বান করিতেছে। জয়সিংহ এখন সত্য ও মিথ্যার মধ্যে ভারত্যা অনুভব করিতেছেন, তিনি দুঃখসন্তপ্ত স্বরে বলিলেন—‘অপর্ণা, দেবী নাই।’ অপর্ণা জয়সিংহকে বলিল—‘জয়সিংহ, তবে চ’লে এসো, এ মন্দির ছেড়ে!’ অর্থাৎ, যদি তুমি সত্যই বুঝিয়া থাকো যে এই মন্দিরের মধ্যে দেবী বন্দী হইয়া নাই, তবে আর এখানে আবদ্ধ হইয়া থাকার তো কোনো তাৎপর্য ও অর্থ নাই। অপর্ণা জয়সিংহের পরিবর্তনেও মোহভঞ্জে স্থখী হইয়া তাঁহাকে এই সঙ্গীর্ণ গণ্ডি ছাড়িয়া অন্ধভক্তির বন্ধন হইতে মুক্ত হইবার জন্য আহ্বান করিল।

কিন্তু জয়সিংহ যদিও মিথ্যার মোহ হইতে মুক্ত হইয়াছেন, তথাপি কৃতজ্ঞতার ঋণ হইতে তো এত সহজে মুক্ত হইতে পারেন না, তাই তিনি বলিলেন—

যে রাজ্যে আজন্ম করেছি বাস
পরিশোধ করে দিয়ে তার রাজকর
তবে যেতে পারো।

অপর্ণা জয়সিংহের কাছে প্রেমের ও সত্যের বার্তা বহন করিয়া বারংবার আহ্বান করিতেছে, তাহার আকর্ষণ বড় শোভন ও বড় লোভন। কিন্তু তাঁহার শপথ-করা কর্তব্য তো এখনো সম্পাদন করা হয় নাই! সেই কর্তব্যকেই তিনি সর্বশ্ব করিয়া রাখিয়াছেন, তাঁহার প্রাণের উপর সেই কর্তব্য প্রহৃত্ত বিস্তার করিয়া রাখিয়াছে, তিনি এখন আর স্বাধীন নহেন।

জয়সিংহের এই অস্বীকার ও প্রত্যাখ্যান শুনিয়া অপর্ণা আজ কাতর হইয়া ভাবিতে লাগিল—

* ইহা পরবর্তী সঙ্কল্পে এর অর্থকর বর্ধ দৃশ্য।

শতবার সহিয়াছি, আজ কেন আর
নাহি নহে। আজ কেন ভেঙে পড়ে প্রাণ।

শ্রেয় অন্তর্ভুক্ত। জয়সিংহের অস্পষ্ট কথার অপর্ণার মনে একটা ভাবী বিপদের
আশঙ্কা প্রবল হইয়া উঠিতেছে।

চতুর্থ অঙ্কের সপ্তম দৃশ্য—নক্ষত্ররায় ও রঘুপতি নিদ্রিত ধ্রুবকে চুরি করিয়া
মন্দিরে হত্যা করিতে আনিয়াছেন।* রাণীর প্ররোচনায় নক্ষত্র যুবরাজের
প্রতিকর্ষী মনে করিয়া ধ্রুবকে হত্যা করিতে উদ্যত, আর রঘুপতি রাজার
প্রিয়পাত্র বালককে হত্যা করিয়া রাজাকে কষ্ট দিতে পারিবেন এই আশায়
হত্যাকর্মে প্রবৃত্ত। কিন্তু বাহার্য পাপকর্মে নূতন ভ্রাতী তাঁহাদের সেই কর্মে
তৎপরতা হয় না। রঘুপতি এই শিশুকে দেখিয়া তাঁহার পালক-পুত্র জয়সিংহের
শৈশব মনে করিতেছেন, সেই শিশু-জয়সিংহের প্রতি মমতার স্মৃতি আজ এই
শিশুর প্রতিও তাঁহাকে মমত্বশালী করিয়া তুলিতেছে। তিনি বলিলেন—

কেনে কেনে ঘুমায়ে পড়েছে। জয়সিংহ
এসেছিল মোর কোলে অমনি শৈশবে
পিছুমাছুখীন।.....

তবে দেখে

ভায় সেই শিশু-রূপ শিশুর ক্রন্দন
মনে পড়ে।

এই শিশুর ক্রন্দন রঘুপতির কঠিন চিত্তকে আর্দ্র করিয়াছে। তাই তিনি
প্রথমেই শিশুর ক্রন্দনের কথাই উল্লেখ করিলেন। জয়সিংহের প্রতি স্নেহ
রঘুপতির মনে সমাবহ শিশুর প্রতি স্নেহ উদ্রেক করিয়া দিতেছে।

কিন্তু নক্ষত্ররায়ের ধরা পড়িয়া যাইবার অস্ত ভয় হইতেছে, তিনি সশ্বর হত্যা-
কার্য সমাধা করিতে ব্যগ্র হইয়া রঘুপতিকে তাগাদা দিতে লাগিলেন। বাহার্য
পাপকার্যে অভ্যস্ত নহে, তাহার্য পাপকর্মের সম্মুখীন হইয়া নিক্স-সাহ হইয়া
পড়ে; তখন কৃত্রিম উত্তেজনার দ্বারা হিতাহিত-বিবেচনা আচ্ছন্ন করিতে হয়।
সেইজন্য রঘুপতি নক্ষত্ররায়কে বারংবার অহরোধ করিতে লাগিলেন—‘এসো
পান করি কারণ-সলিল, এসো পান করি আনন্দ-সলিল।’ অতঃপর তিনি নিজে
মত্তপান করিলেন।

* ইহা পরবর্তী সংস্করণে ৩য় অঙ্ক ৫ম দৃশ্য।

নক্ষত্র মত্তপানে ও হত্যাশাধনে উভয় কর্মেই দ্বিধাশিত হইয়া পড়িয়াছেন।
তিনি বলিলেন—‘আমি বলি, আজ থাক, কাল পূজা হবে।’

নক্ষত্রকে নিক্স-সাহ ও নিরানন্দ দেখিয়া রঘুপতি আনন্দ-সলিল পান করিতে
অহরোধ করিতেছিলেন এবং নিজে দুষ্টাস্ত দেখাইবার অস্ত পান করিতেছিলেন।
মত্তপানে তাঁহার চেতনা আচ্ছন্ন হইতেছিল, কিন্তু নক্ষত্র মত্ত পান না করাতে
তাঁহার সকল ইন্দ্রিয় সক্রিয় ছিল, এবং ভয়ে তিনি উৎকণ্ঠিত ছিলেন বলিয়া
তাঁহার ইন্দ্রিয়ানুভূতি তীক্ষ্ণও হইয়া উঠিয়াছিল, তিনি কাহার পদধ্বনি শুনিয়া ও
আলোক দেখিয়া চমকিত হইলেন এবং রঘুপতিকে সাবধান করিলেন।

রঘুপতি গচেতন হইয়া দেখিলেন রাজা উপস্থিত হইয়াছেন। তখন আর
কালক্ষেপের সময় নাই, তাই তিনি তৎক্ষণাৎ খড়্গ উত্তোলন করিলেন। রাজা
ও প্রহরীগণ সশ্বর আসিয়া রঘুপতিকে ও নক্ষত্ররায়কে বন্দী করিলেন।

পঞ্চম অঙ্কের প্রথম দৃশ্য—বিচারসভা।* রাজা রঘুপতিকে জিজ্ঞাসা করিলেন
যে তিনি অপরাধ স্বীকার করিবেন কি না। রাজার এই প্রশ্নের উদ্দেশ্য,—অপরাধ
স্বীকার করিলে রঘুপতিকে তিনি লযুগু দিবেন। কিন্তু রঘুপতি সে চরিত্রের
লোক নহেন,—তিনি ভয় হন, কিন্তু নত হন না। তিনি অপরাধ স্বীকার
করিলেন এবং দেবতার নামে নিজের কর্ম সমর্থন করিয়া বলিলেন—

অপরাধ করিয়াছি বটে; দেবীপূজা
করিতে পারিনি শেখ,—মোহে যুগু হ'য়ে
বিলম্ব করেছি অকারণে। তার শাস্তি
দ্রুতভেদে দেবী, তুমি শুধু উপলক্ষ!

রাজা তো পূর্বেই প্রচার করিয়াছিলেন যে যে-ব্যক্তি দেবতার কাছে বলি
দেবার চেষ্টা করিবে, তাহার প্রতি নির্বাগন-দণ্ড হইবে। রঘুপতির প্রতি রাজা
সেই দণ্ড দিলেন।

তখন রঘুপতি রাজার কাছে নতজাহ্ন হইয়া জীবনের শেষ স্মৃতি পঞ্চম
অবসর প্রার্থনা করিলেন এবং তাহার পরে শরতের প্রথম প্রাত্যহিক ভাতের
প্রথমেই অগস্ত্যযাত্রা করিয়া দেশ ছাড়িয়া যাইবেন, আর কখনো এদিকে মুখ
ফিরাইবেন না।

রাজার রক্ত দিতে প্রতিশ্রুত জয়সিংহের প্রতিজ্ঞা-পালনের আর দুই দিন

* ইহা পরবর্তী সংস্করণে ৩য় অঙ্কের ১ম দৃশ্য।

মাত্র বাকি ছিল, তাই গবিত ব্রাহ্মণ রঘুপতি অ-ব্রাহ্মণ নরপতির সম্মুখে নতজাহ্নু হইলেন। রাজার মৃত্যু-দর্শনের শুভ দিন না দেখিয়া রঘুপতি দূরে যাইতে অক্ষম। আর, রাজার মৃত্যু হইলে তাঁহাকে হয়তো আর নির্বাসনে যাইতে না হইতেও পারে। রাজা রঘুপতির প্রার্থনা-অঙ্গসারে তাঁহাকে দুইদিন সময় দিলেন। তখন রঘুপতি ব্যক্তের স্বরে রাজাকে বলিলেন—

মহারাজ রাজ-অধিনায়ক,

মহিমা-সাগর তুমি কৃপা-অবতার।

মুগির অধম আমি দীন অস্বজন।

নক্ষত্রকে রাজা দোষ স্বীকার করিতে আদেশ করিলেন। নক্ষত্র রাজার পদতলে পতিত হইয়া দোষ স্বীকার করিলেন, কিন্তু ক্ষমা চাহিতে সাহস করিলেন না। রাজা জানিতেন যে, নক্ষত্র নিজের প্রেরণায় এই কাজে উদ্বৃত্ত হন নাই, তাই তাঁহাকে জিজ্ঞাসা করিলেন কাহার পরোচনায় তিনি এই গর্হিত কর্ম করিতে উদ্বৃত্ত হইয়াছিলেন। নক্ষত্র গুণবতীর নাম প্রকাশ করিলেন না। গুণবতীর নাম প্রকাশ করিলে রাজা ব্যথা পাইবেন, রাজা রাজকর্তব্যের অহুরোধে বাধ্য হইয়া গুণবতীকে দণ্ড দিবেন এবং সেই দণ্ড দিয়া রাজা নিজে দণ্ডিত হইবেন এবং রাণীর অপমানে নিজে অপমানিত হইবেন,—এইসব ভাবিয়া নক্ষত্র রাণীর কুমন্ত্রণার কথা প্রকাশ করিলেন না, সব দোষ নিজের উপরে লইলেন। ইহার দ্বারা কবি নক্ষত্রের ভ্রাতৃস্নেহ এবং তাঁহার স্বাভাবিক সত্যতা নাটকীয় কৌশলে প্রকাশ করিয়াছেন। রাজার বিচার-সভার সকলে নক্ষত্রকে ক্ষমা করিবার জ্ঞান রাজাকে অহুরোধ করিলেন। কিন্তু রাজা শ্রয়নিষ্ঠ, তিনি

ক্ষমা কি আমার

কাজ? বিচারক আপন শাসনে বন্ধ,
বন্দী হ'তে বেশী বন্দী। এক অপরাধে
দণ্ড পাবে একজনে, দুক্তি পাবে আর,
এমন ক্ষমতা নাই বিচার্যর...

রাজা নক্ষত্ররায়কে আদেশ দিলেন যে, ত্রিপুররাজ্যের বাহিরে ব্রহ্মপুত্র-নদের তীরে রাজ্যের তীর্থস্থানের জন্ত যে রাজগৃহ আছে, সেইখানে নক্ষত্র নির্বাসনের আট বৎসর যাপন করিবেন। ভ্রাতৃস্নেহ রাজকণ্ঠকে কোমল করিয়া দিল, রাজা রঘুপতির জায় নক্ষত্রকে নিরুদ্ধে বিশ্ববন্ধে বিসর্জন দিতে পারিলেন না।

রাজা সিংহাসন হইতে অবরোধ করিয়া নক্ষত্রকে আলিঙ্গন করিলেন। সিংহাসনে কেবল জায় অধিষ্ঠিত, সেখানে একই মমতা দয়ার স্থান নাই বলিয়া রাজা সিংহাসন হইতে নামিয়া আসিলেন।

রাজা রাজসভা হইতে সকলকে বিদায় করিয়া দিলেন, ভ্রাতৃবিচ্ছেদের শোক একাকী বিরলে অহুভব করিবেন বলিয়া। এমন সময়ে রাজার পদচ্যুত পূর্বতন সেনাপতি নয়নরায় দ্রুত প্রবেশ করিয়া সংবাদ দিলেন যে, চাঁদপাল প্রজা-সিদ্ধোহের স্বযোগ পাইয়া মোগলের সৈন্তের সাহায্য লইয়া ত্রিপুরা আক্রমণ করিতে আসিতেছে। রাজা চাঁদপালের নামে এই অপবাদ বিশ্বাস করিতে পারিলেন না। তিনি মনে করিলেন, নয়নরায় পূর্ব-বৈরিতা স্বরণ করিয়া চাঁদপালের নামে মিথ্যা অভিযোগ উপস্থিত করিতেছেন। নয়নরায় রাজার এই অবিশ্বাসে মর্মান্বিত হইয়া বলিলেন—

অনেক দিরেহ দণ্ড দীন অধীনে,

আজ এই অবিশ্বাস সব চেয়ে বেশি।

নয়নরায় রাজার বল-নিষেধের বিধান সমর্থন করিতে পারেন নাই বলিয়া রাজা তাঁহাকে শত্রু ভাবিতেছেন,—রাজার এই অবিশ্বাস নয়নরায়কে আঘাত করিল।

রাজা আবার নয়নরায়ের কাছে চাঁদপালের বিশ্বাসঘাতকতার বার্তা শুনিয়া চিন্তা করিতে লাগিলেন যে কোন ছিত্রপথে এইসব অনর্থ উৎপাত হইতেছে। সেই ছিত্রপথ যে রাজারই রাজশক্তির দণ্ড, তাহা তিনি তখনও বুঝিতে পারেন নাই। তিনি অজ্ঞানের প্রতিরোধ প্রেমের দ্বারা না করিয়া বলের দ্বারা করিতে গিয়া বিরোধের বিপক্ষে বিরোধ জাগ্রত করিয়া তুলিয়াছেন। রাজা নয়নরায়কে আবার সেনাপতির পদে নিযুক্ত করিলেন।

পঞ্চম অঙ্ক, দ্বিতীয় দৃশ্য—মন্দির-প্রাঙ্গণে জয়সিংহ ও রঘুপতি কথা কহিতেছেন।* রঘুপতি ব্রাহ্মণ হইয়া অ-ব্রাহ্মণ রাজার কাছে নতজাহ্নু হইয়া দয়া ভিক্ষা করিয়াছেন, সেই অপমান তাঁহাকে পীড়া দিতেছে। তিনি জয়সিংহকে বলিতেছেন যে তিনি আর জয়সিংহের গুরু নহেন, তিনি গুরুর আদেশ করিতেছেন না, কেবল তিনি ভিক্ষা চাহিতেছেন। আটশশব জয়সিংহকে যে তিনি পালন করিয়াছেন তাহার কৃতজ্ঞতা চাহিতেছেন। তিনি বুঝিতে পারিয়াছেন যে, জয়সিংহ গুরুকে গুণঘাতক পাপাচারী দেখিয়া তাঁহার প্রতি আর

* ইহা পরবর্তী অঙ্কের ৩র্থ অঙ্কের ২য় দৃশ্য।

ভক্তিশ্রদ্ধা রক্ষা করিতে পারিতেছেন না, তাই তিনি জয়সিংহের কৃতজ্ঞতার কাছে অহুন্নয় করিতেছেন। জয়সিংহের কাছে তিনি যে ভিক্ষা করিতেছেন, তাহাও তাঁহাকে পীড়া দিতেছে—

কৃপা-

ভিক্ষা সহ হয়, ভালবাসা ভিক্ষা করে
যে অত্যাগা, ভিক্ষকের অধন ভিক্ষুক
সে যে।

জয়সিংহ গুরু ও পিতার কাতর অহুন্নয়ে ব্যথিত হইয়া বলিলেন যে দেবী যখন রাজরক্ত চাহিতেছেন, তখন তিনি তাহা আনিয়া দিবেনই। ইহাতেও রঘুপতি ক্রমে আঘাত পাইলেন। কারণ, জয়সিংহ দেবীর আদেশ পালন করিবেন, গুরুর আদেশ নহে। দেবী জয়সিংহের কি করিয়াছেন, আর তিনি কি না করিয়াছেন? তাছাড়া, জয়সিংহের এই অকৃতজ্ঞতার বাধা তাঁহার বৃক্ক বতখানি বাঞ্জিয়াছে, দেবীর বৃক্ক কি ততখানি বাঞ্জিয়াছে!

পঞ্চম অঙ্ক, তৃতীয় দৃশ্য—প্রাসাদকক্ষ; রাজা সেখানে উপস্থিত, নয়নরায়ের প্রবেশ—নয়নরায় আসিয়া সংবাদ দিলেন যে, তিনি বিদ্রোহী সৈন্যদলকে কিরাইয়া যুদ্ধের জন্ত প্রস্তুত হইয়াছেন। এমন সময়ে জয়সিংহ আসিলেন। রাজা মনে করিলেন যে জয়সিংহ কজিয় যুবা, তিনি বোধ হয় যুদ্ধের সংবাদ পাইয়া যুদ্ধে যোগ দিবার জন্তই আসিয়াছেন। কিন্তু জয়সিংহ রাজার কাছে বিদায় চাহিলেন। তিনি কোথায় যাইবেন তাহা বলিলেন না, এবং রাজাকেও সে বিষয়ে কিছু জিজ্ঞাসা করিতে নিষেধ করিলেন। রাজা জয়সিংহকে 'ভাই' বলিয়া সন্মোদন করিয়া আলিঙ্গন করিলেন,—কারণ, রাজা নিজে যুদ্ধে যাইতেছেন, কিরিয়া আসিবেন কি না কে জানে! জয়সিংহও রাজাকে ভাই বলিয়া সন্মোদন করিয়া কোলাহুলি করিলেন ও প্রস্থান করিলেন।

এমন সময়ে একজন চর আসিয়া সংবাদ দিল যে নক্সরায়কে নির্বাসনের পথ হইতে মোগলেরা কাড়িয়া লইয়াছে এবং তাঁহাকে জিপুরার রাজপদে বরণ করিয়া সৈন্ত লইয়া জিপুরারাজ্য দখল করিতে আসিতেছে। নয়নরায় সেনাপতি—তিনি যুদ্ধ করিতে চাহেন; কিন্তু রাজা ভাইয়ের সহিত যুদ্ধ করিতে অনিচ্ছুক,—তিনি রাজ্যের মঙ্গলের জন্ত ও অনর্থক লোকক্ষয় নিবারণের জন্ত যুদ্ধ করিতে পরাভূত। রাজা গোবিন্দমাধিক্য এখানে জাতকোহের আঘাতে উদ্ভ্রান্ত হইয়া

* পরবর্তী সংস্করণে ৪র্থ অঙ্কের ৩য় দৃশ্য।

ভুল করিলেন—নক্সরায় যে যোগলের দাস ও ক্রীড়ক হইয়া স্বদেশকে পরপদানত করিবেন এবং তাহাতে স্বদেশের যে অমঙ্গলই হইবে, ইহা রাজা ভাবিয়া দেখিলেন না। বিচক্ষণ রাজার ইহা মনে পড়া উচিত ছিল, কিন্তু জাতকোহের আঘাতে তাঁহার বুদ্ধি নোহাচ্ছর হইয়া গিয়াছিল। হয়তো ঐ তিনি তাঁহার রাজ্যের নানা বিকোভে ক্রান্ত হইয়া রাজার গুরু-কর্তব্যতার হইতে নিষ্কৃতিলাভের এই স্বযোগ পাইয়া বাচিয়া গেলেন! রাজা মাথা হইতে মুকুট উন্মোচন করিতে করিতে জাবিতে লাগিলেন—এইবার আর কোনো ক্ষমতা তাঁহার রহিল না, অস্ত্রায়ের প্রতিবিধান করিবার বা নিষেধ করিবার ক্ষমতা এই মুকুট ত্যাগ করার সঙ্গে সঙ্গে তাঁহাকে পরিত্যাগ করিল।

পঞ্চম অঙ্ক, পঞ্চম দৃশ্য; মন্দিরের সম্মুখ। রাজিকাল, ঝড়বুড়ি হইতেছে।*

শ্রাবণের শেষ রাত্রি। রঘুপতি রাজরক্তের জন্ত উন্মুখ হইয়া আছেন। তিনি জয়সিংহের আগমন প্রতীক্ষা করিতেছেন। অপর্ণা আসিল। রঘুপতি তাহাকে তাড়াইয়া দিলেন। 'রঘুপতির সম্বন্ধে যে শেষ পর্বন্ত জয়সিংহ হয়তো জ্ঞানহীন্য করিতে সম্মত হইবেন না, তাই তিনি দেবীর কাছে বর চাহিতেছেন এই দেবীর উক্তবৎসলা নামে যেন কোনো কলঙ্ক স্পর্শ না করে। দেবীকে উক্তবৎসলা সন্মোদন করার মধ্যেও dramatic irony আছে। দেবী যে ভক্তির বশ, হিংসার সমর্থনকারিণী নহেন, এই কথাই রঘুপতি নিজের অজ্ঞাতসারে প্রচার করিলেন। রঘুপতি দেবীকে ভয়ঙ্করী আবার অভয়া, সর্বজয়ী ও সিদ্ধিদাত্রী নামে অভিহিত করিতেছেন; রাজার ছিন্ন-মুণ্ড দেখিবার আশায় দেবীকে সন্মোদন করিতেছেন—

জয় নৃসিংহালিনী!

পাণ্ডুললী মহাপতি!

সে শক্তি রাজশক্তির উপরও জয়ী হইতে পারে!

জয়সিংহ ক্রত-পদে প্রবেশ করিলেন। কিন্তু তাঁহার হস্তে রাজরক্তের কোনও চিহ্ন না দেখিয়া রঘুপতি উৎসুক-কণ্ঠে প্রশ্ন করিলেন—রাজরক্ত কই?

জয়সিংহ বলিলেন—রাজরক্ত তাঁহার খম্বনীতেই আছে, তাঁহার রাজপুত্র, তাঁহার পূর্বপুরুষ রাজা ছিলেন, তিনি নিজের বন্ধ বিদীর্ণ করিয়া দেবীর রক্তপিপাসা ও গুরুর আদেশ মিটাইয়া দিবেন।

* পরবর্তী সংস্করণে ৫-ম অঙ্কের ১-ম দৃশ্য।

রাক্ষস আছে এই

দেহে। এই রক্ত দিব। এই বেন শেব রক্ত

হয় মাতা। এই রক্ত বেন শেব মিটে

বার ভোর অনন্ত পিপাসা।

এই উক্তি করিয়া জয়সিংহ আপন বন্ধে ছুরিকা বিদ্ধ করিয়া আত্মোৎসর্গ করিলেন।

জয়সিংহ গুরুর আদেশ ও নরহত্যার প্রতি স্মরণ সম্বন্ধ করিলেন আত্মদানে। গোবিন্দমাণিক্যের মহত্বের প্রতি শ্রদ্ধা ও গুরুর নিকটে রক্তস্রবের সম্বন্ধ করিলেন আপনাকে বলি দিয়া। ইহার দ্বারা গুরুর আদেশ-পালন ও নিজের রক্তস্রব-রক্ষা দুইই হইল।

জয়সিংহকে আত্মহত্যা করিতে দেখিয়া রঘুপতির স্নেহসন্তপ্ত ক্রম হাহাকার করিয়া উঠিল, জয়সিংহের মহৎ আত্মত্যাগে আঘাত পাইয়া রঘুপতির রক্তস্রব উদ্ভব লাভ করিল। অপরের কতি মাহুকের চেতনাকে প্রবৃত্ত করে না, কিন্তু সেই কতি যখন তাহার নিজের হয়, তখন সে বুঝিতে পারে যে সেই সামান্য কতি অপরের কাছে কেমন অসামান্য মনে হইতে পারে! রক্ত-বর্শনে হানির ও প্রবের ভীতি দেখিয়া ও ছাগশিশুর জন্ত অপর্ণার ক্রন্দন দেখিয়া রাজার চেতনা হইয়াছিল; কিন্তু রঘুপতির চৈতন্য-সম্পাদনের জন্ত জয়সিংহের জায় একটি মহাপ্রাণ বিসর্জন দেওয়া আবশ্যিক হইয়াছিল। রঘুপতি দেবতা ও ব্রাহ্মণস্ব সব বিসর্জন দিয়াও এখন জয়সিংহকে ফিরিয়া পাইবার জন্ত ব্যাকুল হইয়া উঠিলেন।

অপর্ণা জয়সিংহের অমঙ্গল-আশঙ্কায় ব্যাকুল হইয়া তাঁহাকে ডাকিতে ডাকিতে পুনরায় সেইখানে আসিয়া উপস্থিত হইল। তাহাকে দেখিয়া আজ এই প্রথম রঘুপতি কোমল মিষ্ট স্নেহপূর্ণ স্বরে আহ্বান করিলেন—

জান না অন্ততমরি! ডাক্

ভোর মুখাকর্ষে... ..

তুই তারে

নিয়ে বা মা আপনার কাছে, আরি নাহি

চাহি।

অপর্ণা জয়সিংহের প্রিয়, তাহার প্রেমের সঞ্জীবনী-শক্তির দ্বারা সে জয়সিংহকে পুনর্জীবন দান করিল—এই আশায় রঘুপতি অপর্ণাকে 'অনুতমরী'

বলিয়া সম্বোধন করিলেন এবং তাহার কণ্ঠের আহ্বানকে স্তম্ভজীবনী স্বপ্নার সহিত তুলনা করিলেন। অপর্ণা যদি জয়সিংহকে জীবিত করিয়া দিতে পারে, তবে তাহাই রঘুপতির কাছে যথেষ্ট; তিনি তাহাকে নিজের কাছে যদি নাও রাখিতে পারেন, তাহাতেও তাঁহার সন্তোষ আছে। অপর্ণা জয়সিংহকে বৃত দেখিয়া মুহূর্ত্তা হইয়া পড়িল।

রঘুপতি পাষণপ্রতিমার পায়ের উপর মাথা হুট্টিয়া হুট্টিয়া প্রার্থনা করিতে লাগিলেন—'ফিরে দে। ফিরে দে!' কিন্তু পাষণীয় কোনো সাড়া না পাইয়া তিনি এখন বুঝিতে পারিলেন যে এই প্রতিমা পাষণ যাত্র, জড় পাষণের স্তূপ, মৃক, পল্ল, অন্ধ ও বধির!

রঘুপতি এতদিনের আশ্রিত হইতে মুক্ত হইয়া দেবীপ্রতিমাকে গোমতী নদীর জলে নিক্ষেপ করিলেন। ইহা পাষণমন্দির হইতে ও মনোমন্দির হইতে দেবতার বিসর্জন! বলিষ্ঠ ক্রমের ভক্তি যখন সচেতন হইয়া উঠিল, তখন রঘুপতি ঐ পাষণস্তুপকে আর স্বীকার করিতে পারিলেন না। তাহা নিজের অতীত মৃত্যুর দিক্কারে প্রতিহিংসার আকার ধারণ করিল।

শুণবতী পূজা লইয়া মন্দিরে আসিয়া দেখিলেন দেবী নাই। তিনি মনে করিলেন, দেবী বুঝি উপস্থিত পূজার অভাবে হুপিত হইয়া মন্দির পরিত্যাগ করিয়া গিয়াছেন। তিনি রঘুপতিকে জিজ্ঞাসা করিলেন—'কোথা দেবী?' ইহার উত্তরে রঘুপতি বলিলেন—

দেবী বলে তারে ?

পূণ্য রক্ত পান করে দে মহারাক্ষসী

কেটে ম'রে গেছে।

দেবীপ্রতিমা বতদিন ছাগরক্ত পান করিতেছিল, ততদিন তাহা রঘুপতির কাছে সত্য দেবীর ভক্তি পাইতেছিল। সেই দেবীপ্রতিমার কাছে তিনি রাজাকে বলি দিবার জন্তও ব্যস্ত হইয়া উঠিয়াছিলেন; কিন্তু এখন সেই প্রতিমা রঘুপতির প্রিয় জয়সিংহের রক্তপান করার রঘুপতি তাহাকে রাক্ষসী বলিয়া মনে করিতেছেন। রাণী শুণবতী রঘুপতির কথা স্পষ্ট বুঝিতে না পারিয়া কাতর হইয়া বায় বায় তিনবার জিজ্ঞাসা করিলেন—'দেবী নাই?' যখন রঘুপতি বারংবার সেই একই উত্তর দিলেন, তখন রাণী রঘুপতির নাস্তিকতার দৃঢ়তা দেখিয়া প্রত্যয় করিলেন যে 'দেবী নাই'। এতদিন রঘুপতির কথাতেই তিনি স্বামীর বিরোধী হইয়া দেবীর উপর নির্ভর করিতেছিলেন, এখন সেই রঘুপতি

যখন তাঁহাকে আখ্যায়িক দিলেন যে দেবী নাই, তখন তিনি মিথ্যার নাগপাশ হইতে মুক্তি পাইয়া বাঁচিলেন। রাণী ও রাজার মধ্যে যে পাষাণী-প্রতিমা প্রাচীর হইয়া উঠিয়া ব্যবধান রচনা করিয়াছিল, উহা অপসৃত হইবামাত্র রাণী রাজার সঙ্গে মিলিত হইবার জন্ত ব্যগ্র ও ব্যাকুল হইয়া উঠিলেন।

অপর্ণা মুছা হইতে উঠিয়া রঘুপতিকে 'পিতা' বলিয়া আহ্বান করিল। অপর্ণা নিজের হৃদয় দিয়া বুঝিল যে, আজ রঘুপতি কী দারুণ আঘাতে ব্যথিত হইয়াছেন! সেইজন্য রঘুপতির প্রতি আজ তাহার রমণীহৃদয়ের অমুকম্পার আর অবধি নাই। রঘুপতি অপর্ণার কণ্ঠে পিতৃস্বোধন শুনিয়া পুনরায় স্নেহের আশ্বাদ পাইলেন এবং মনে করিলেন জয়সিংহই অপর্ণার কণ্ঠে এই স্নেহস্বোধন রাখিয়া গিয়াছেন। বাস্তবিক জয়সিংহকে রঘুপতি ও অপর্ণা উভয়েই ভালবাসিতেন এবং জয়সিংহও রঘুপতিকে ও অপর্ণাকে ভালবাসিতেন। এইজন্য রঘুপতি ও অপর্ণা উভয়ে উভয়ের সমব্যথী হইতে পারিলেন এক জয়সিংহের প্রতি প্রেমের সূত্রে। অপর্ণা রঘুপতিকে মন্দির ছাড়িয়া চলিয়া যাইতে আহ্বান করিল।

রাজা ফুল লইয়া দেবীকে শেষ পূজা দিতে আসিলেন এবং দেবীপ্রতিমার তিরোধান ও মন্দিরে রক্তধারা দেখিয়া বিস্মিত হইলেন। রঘুপতি রাজাকে বলিলেন—

এই শেষ পুণ্য রক্ত এ পাণ্ড মন্দিরে!

যে মন্দিরে নিরীহ পশুহিংসা হইয়াছে, যেখানে ধর্মের নামে কত অধর্ম অহুষ্ঠিত হইয়াছে, যেখানে কত পাপের বড়মন্ত্র হইয়াছে, সেই মন্দির আজ এতদিন পরে রঘুপতির কাছে পাপপূর্ণ কষ্টকময় বলিয়া বোধ হইয়াছে। আর জয়সিংহ পশুহিংসা রাজহত্যা গুপ্তহত্যা প্রভৃতি নিবারণ করিবার জন্ত যে আত্মদান করিলেন, সেই রক্ত পুণ্যময় মনে হইতেছে। জয়সিংহের দেবতুল্য চরিত্রের এই পুণ্যবদানের মাহাত্ম্য উপলব্ধি করিয়া রাজা দেবীপূজার জন্ত আনীত ফুল দেবতুল্য জয়সিংহকেই দান করিলেন—

ধনু ধনু জয়সিংহ,

এ পূজার পুষ্পাঞ্জলি সঁপিহু তোমারে।

রাণী গুণবতী আসিয়া এইবার রাজাকে স্বোধন করিয়া বলিলেন—

আজ দেবী নাই—

তুমি মোর একমাত্র রয়েছ দেবতা!

গুণবতী এতদিনের কুসংস্কার হইতে বিমুক্ত হইয়া এখন প্রেমের আশ্রয়ে আত্মসমর্পণ করিলেন।

রাজা বলিলেন—

গেছে পাণ্ড! দেবী আজ এসেছে কিরিয়া

আমার দেবীর মাঝে।

পাপ কুসংস্কার হিংসা ঘেঘ মুছিয়া গেল। প্রকৃত যিনি দেবী তিনি তো প্রেমময়ী, তিনিই আজ মহারাণীর গভীর প্রেমের মধ্যে আত্মপ্রকাশ করিলেন।

রঘুপতিও অহুভব করিলেন—

পাষণ্ড ভাঙিয়া গেল—জননী আমার

এবারে দিয়াছে দেখা প্রত্যক্ষ প্রতিমা!

জননী অসুতময়ী?

নিষ্ঠুরতার দ্বারা দেবতার পূজা হয় না, দেবতা দয়াময়ী প্রেমময়ী; প্রেমে ও দয়াতেই তাঁহার সত্য আবির্ভাব—এই কথা আজ রঘুপতি উপলব্ধি করিয়াছেন। রঘুপতি আজ বুঝিয়াছেন যে, প্রকৃত ও পূর্ণ মহুশুই দেবতা। তিনি এতদিন হিংসার মধ্যে দেবীর মিথ্যা সন্ধান করিয়া বিভ্রান্ত হইতেছিলেন; আজ প্রেমের মধ্যে প্রকৃত দেবীর সাক্ষাৎ পাইয়া তিনি অমৃতের আশ্বাদ পাইলেন।

অপর্ণা পুনরায় রঘুপতিকে পিতা বলিয়া আহ্বান করিল—'পিতা চ'লে এসো!' সে রঘুপতিকে পিতা বলিয়া আহ্বান করিল চলিয়া আসিতে—মিথ্যা হইতে, হিংসা হইতে, সংস্কার হইতে, প্রেমের ও সত্যের স্ববৃহৎ ক্ষেত্রে।

এইখানে বিসর্জন সম্পূর্ণ হইল—মিথ্যা দেবীপ্রতিমার বিসর্জন হইল, জয়সিংহের শ্রায় মহাপ্রাণের বিসর্জন হইল, রঘুপতির শ্রায় বলিষ্ঠ উন্নত হৃদয় হইতে কুসংস্কার ও হিংসার বিসর্জন হইল, রাণীর ভ্রমের বিসর্জন হইল, রাজা ও রাণীর মধ্যকার বিব্রোহের বিসর্জন হইল।

বৌঠাকুরাণীর হাটের বসন্ত রায়ের চরিত্রে কবি যে অহিংসা ও বৈষ্ণব ভাব আরোপ করিয়াছিলেন, তাহাই যেন স্পষ্টতর হইয়া বিসর্জন নাটকে মহারাজ গোবিন্দমাণিক্যের চরিত্রে প্রকাশ পাইয়াছে।

প্রভাতকুমার মুখোপাধ্যায় লিখিয়াছেন—

'মানসী'-মুগের কবিতা ও নাট্যগুলির মধ্যে.....সংশয়-বিবাদের ছায়াময় সঞ্চরণ। সন্ধ্যা লেখার মধ্যেই একটা বেদনার হর মাথা...নাট্যগুলির মধ্যেও একটা গভীর করুণ হর ধরা পড়ে।

—রবীন্দ্রনাথ ঠাকুর।

স্বকং রবীন্দ্রনাথ তাঁহার এই নাটকের তাৎপর্য নিজেই ব্যাখ্যা করিয়া বলিয়াছেন—

“বিসর্জন—এই নাটকের নামকরণ কোন ভাবে অবলম্বন করে হয়েছে? আমরা দেখতে পাই যে নাটকের শেষে রঘুপতি প্রতিমা-বিসর্জন দিলেন, এই বাইরের ঘটনা ঘটল। কিন্তু এই নাটকে এর চেয়েও বহুস্তর আর এক বিসর্জন হয়েছে। জয়সিংহ তার প্রাণ বিসর্জন দিয়ে রঘুপতির মনে চেতনার সঞ্চার করে দিয়েছিল।

হৃতরাং প্রতিমা-বিসর্জন এই নাটকের শেষ কথা নয়। কিন্তু তার চেয়েও বড় কথা হলো জয়সিংহের আত্মত্যাগ—কারণ, শুধুই রঘুপতি হৃৎস্পষ্টভাবে এই সত্যকে অনুভব করতে পারল যে প্রেম হিসেবে পথে চলে না, বিশ্বাসাত্মক পূজা প্রেমের খারাই হয়। এই সূত্রে সে বুঝতে পারল যে সে বা হারাল তা কত মূল্যবান। হৃৎস্পষ্ট পক্ষে প্রাণ কত সত্য জিনিস সে কথা অর্পণই বুঝেছিল, কিন্তু রঘুপতির পক্ষে তা বুঝতে সময় লেগেছিল—সে প্রিয়জনকে নিরাশ্রয়ভাবে হারিয়ে তারপর অনুভব করতে পারল যে প্রাণের মূল্য কত বেশী, তাকে আঁতাত করলে তার মধ্যে কত বেদনা।

এই নাটকে বরাবর এই দুই ভাবের মধ্যে বিরোধ বেধেছে—প্রেম আর প্রতাপ। রঘুপতির প্রভুত্বের ইচ্ছার সঙ্গে গোবিন্দবাণিকের প্রেমের শক্তির দ্বন্দ্ব বেধেছিল। রাজা প্রেমকে জরী করতে চান, রাজপুত্রোচিত নিজেই প্রভুত্বকে। নাটকের শেষে রঘুপতিকে হার মানতে হয়েছিল—তার চেতন হলো, বোঝার বাধা দূর হলো, প্রেম জয়যুক্ত হলো।

নাটকের প্রথম অঙ্কে প্রথমেই দেখা দিলেন রাণী গুণবতী। তাঁর সন্তান হৃদয় বঁলে সন্তান লাভ করার আকাঙ্ক্ষা স্বেয়িক জানাতে মন্দিরে এসেছেন। তিনি স্বেয়িক বলছেন—আমাকে দয়া করে সন্তান দাও। আমার সব আছে—দাঁস দাসী এজা কিছুই অভাব নেই, কিন্তু আমার গুণ কক্ষ আমার প্রাণের মধ্যে আরেকটি প্রাণকে অনুভব করার ইচ্ছা হয়েছে। আমি এমন একজনকে পেতে চাই যার প্রতি প্রেম আমার নিজের প্রাণের চেয়ে বেশী হবে। এই বন্ধ বাহু—তা কতখানি ভালোবাসা পেতে চায়। শিশু তো একটুকু প্রাণের কপিকা, কিন্তু তাকে যেহে করার জন্য তার প্রাণ ব্যাকুল হয়ে আছে। তাকে জয় দিয়ে বাঁচিয়ে তুলে আমি তার প্রতি আমার সন্তান সঞ্চিত ভালোবাসা অর্পণ করব।

নাটকের গোড়াটা গুণবতীর এই ব্যাকুল প্রার্থনা দিয়ে আরম্ভ হয়েছে কেন? তার কারণ হচ্ছে প্রথমেই এই কথা স্পষ্ট হ'য়ে উঠেছে যে একটুখানি যে প্রাণ, প্রেমের কাছে তার মূল্য কত বেশী। একদিকে রাণী রান্ধত করছেন যে বিশ্বাসাত্মক কাছে হৃৎস্পষ্ট ঘনিষ্ঠান দেখেন, অন্যদিকে তিনি সেই বলির পরিবর্তে একটুকু প্রাণের কণার জন্য তাঁর হৃদয়ের উচ্ছ্বসিত ভালোবাসাটুকু ভোগ করতে চান। একদিকে তিনি প্রাণহানির বিধরে সম্পূর্ণ অন্ধ, অন্যদিকে প্রাণের প্রতি প্রাণের মনতাবে কত বড় জিনিস তা বুঝছেন। হৃতরাং রাণীর মনে এক জারপার প্রাণের জন্য প্রাণের ব্যাকুলতা দেখা দিয়েছে, তিনি জানছেন যে ভালোবাসা এক প্রসাদ হ'তে পারে যে তার জন্য লোকে

* সনালোচনাটি পরবর্তী পরিবর্তিত বিসর্জন নাটককে কেন্দ্র করিয়া লিখিত হইয়াছিল।

নিজের প্রাণকেও তুচ্ছ করে; আমার অপর পক্ষে অসহায় প্রাণীদের প্রাণের ক্রন্দন তাঁর হৃদয়ে একেব করেনি।

তারপর প্রথম অঙ্কে অর্পণা এল সেই কথাটাই বোঝাতে। সে বললে—তুমি যদি একদিক দিয়ে বুঝতে পেরে যে প্রাণের আদর কতখানি, তুমি যদি না হ'য়ে প্রাণকে পালন করার জন্য ব্যাকুল হরহে, আর তার জন্য বিশ্বাসাত্মক কাছে প্রার্থনা জানাচ্ছ—তবে কেন অন্য প্রাণকে বলি দিয়ে এই উদ্বেগ সাধন করতে চাও? বিশ্বাসাত্মক কি প্রাণকে বোঝেন না, তিনি কি প্রাণহত্যার খুশী হন?—যদি তিনি তা বোঝেন, তবে কেনম করে এ ভিক্ষা তাঁর কাছে করছ?—স্বায়ের ভিতর দিয়ে প্রাণের মনতাবে কি করে বিবে প্রকাশ পায়, অর্পণা প্রথম দৃষ্টে সেই কথাটা বলে গেল। গুণবতী সন্তান পাবার জন্য একশত ছাপ বলি দিতে চান, তিনি এক প্রাণের অপচয় করতে রাজি আছেন,—অথচ চিন্তা করে দেখলেন না যে এই ভিক্ষার মধ্যে কতখানি বিষ্ঠুরতা আছে।

প্রাণের মূল্য কত গভীর একদল সে কথা বুঝেছে, অন্তরন তা বোঝেনি,—তাই দুই দলে বিরোধ বাৎল। গুণবতী ও রঘুপতি একদিকে এবং গোবিন্দবাণিকা, জয়সিংহ ও অর্পণা অন্যদিকে।

জয়সিংহ রঘুপতিকে পিতার মতো ভক্তি করত, সে বাগ্যকাল থেকে মন্দিরের সকল অনুষ্ঠান ও পণ্ডলি দেখে অভ্যস্ত হ'য়ে গেছে। তাই বেখানে ভালোবাসা সেখানে রক্তপাত চলে না—এই উপলক্ষি তার মনে সম্পূর্ণরূপে স্থান পেতে দেয়া হয়েছিল। অর্পণার ক্রন্দনের প্রথমে তার পূর্ববিবাস সবচেয়ে স্পষ্ট হ'তে শুরু হলো। গোবিন্দবাণিকা এই পণ্ডলির মধ্যে লিপ্ত ছিলেন না। কিন্তু জয়সিংহ শিশুকাল থেকে রঘুপতির কাছে মানুষ হয়েছে—যখন তার বিচার করার শক্তি জন্মাননি তখন থেকে এই রক্তপাত দেখে দেখে তার অভ্যাস হ'য়ে গেছে। তাই তার মনে দুই ভাবের বিরোধ উপস্থিত হলো—রঘুপতির প্রতি ভক্তি ও বলির জন্য চিরাত্ম্যাসের জড়তা। এই অভ্যাসের কঠিন বন্ধন তার মনকে কতকটা অসাড় করে দিয়েছিল, অথচ সে ক্রমে ক্রমে বুঝতে পারছিল যে কত বড় অন্তরকে সে সমর্থন করে এসেছে।

অর্পণা এসে জয়সিংহের মনকে চঞ্চল করে দিলে। সে স্বেয়িক অর্পণা কোলে করে পালন করেছে তারই রক্তখারা মন্দিরের সোপান বেয়ে গড়ছে, এই দৃষ্ট দেখে সে কেঁদে উঠল। জয়সিংহের মন তাতে নাড়া খেল, সে প্রতিবার দিকে ফিরে বলল—‘এ কি তোমার মায়ী? এই হত্যার মানুষের প্রাণ কেঁদে উঠছে, আর তুমি বিশ্বজননী হ'য়ে এতে সায় দিচ্ছ, তোমার কি দয়া নেই?’ জয়সিংহের মন প্রথার বন্ধন আঁতাত ছিল, সে এই প্রথম আঁতাত পেল, তারপর ক্রমে তার মনের মধ্যে এই সংগ্রাম বর্ধিত আকার ধারণ করল। দুই শক্তি জয়সিংহকে দুই দিক হ'তে আকর্ষণ করতে থাকল। একদিকে অর্পণা তাকে মন্দির ত্যাগ করতে বলছে, অপরদিকে রঘুপতি তাকে মন্দিরের সীমানার ধ'রে রাখতে চায়।

রঘুপতির দরদারী নেই, সে বিষ্ঠুর প্রাণকে পালন করে এসেছে এবং এমনি ভাবে শক্তিনাশ করে রক্ত হ'য়ে উঠেছে। সে স্বেয়ীর সেবক বলে লোকের কাছে সম্মান ও প্রতিপত্তি পেয়ে এসেছে। সে জয়সিংহকে তার পক্ষে আনতে চায়, মন্দিরের প্রথার গণ্ডির মধ্যে বাঁধতে চায়।

কিন্তু অপর্ণা আরেক বিরুদ্ধ শক্তি নিয়ে জয়সিংহের কাছে এসে ধাঁড়িয়েছে। সে বললে—‘এই নির্দয় পুত্রার মধ্যে তুমি বাস কোরো না, তুমি যুগ্মির ত্যাগ করে বেরিয়ে এস।’—জয়সিংহের মনে তখন বিরোধ বেধে গেল। একদল লোক বাহুশক্তি ও প্রাচীন প্রথাকে চিরন্তন করে রাখতে চায়—অন্যদল বলেছে প্রেমই সব চেয়ে বড় জিনিস। জয়সিংহ সেই গোটানার হাতখানে পড়ল এবং কোন্টো শ্রেষ্ঠ পথ তা চিন্তা করে বাঁচ করার চেষ্টা করতে লাগল।

রঘুপতি পণ্ডিত বৃদ্ধ সম্মানিত ও শক্তিশালী। আর অপর্ণা বাগিকা ভিখারিণী ও সমাজে অখ্যাত। কিন্তু যে শক্তি এই নাটকে জরী হয়েছে অপর্ণা তাকেই প্রকাশ করেছে। বাইরে থেকে তাকে দুর্বল বলে মনে হয়, কিন্তু কার্যত তারই জয় হ’ল। অথচ রঘুপতি শক্তিশালী—তার দিকে শাক্তনত সেশাচার লোকমত সব রয়েছে। কিন্তু ক্ষুদ্র বাগিকার বেশে সত্য প্রেমের দ্বার দিয়ে যথিবে প্রবেশ করে বিশ্বাস্তার মূর্তিটিকে প্রতিষ্ঠিত করে দিয়ে গেল। প্রেমের সৈন্ত-সামন্ত অর্ধ প্রতিপত্তি কিছুই নেই—কিন্তু হলরের গোপন দুর্গে তার শক্তি সঞ্চিত হ’তে থাকে।

—শান্তিনিকেতন, ১৩২৯ কাঙ্ক্ষিক।

বিসর্জন নাটকের প্রথম সংস্করণে—অপর্ণার অঙ্ক পিতা, হাসি ও তাতা (এব), কেদারেশ্বর (হাসি ও তাহার খুন্সতাত) এই কয়টি চরিত্র ছিল। হাসি ও তাতা এই সংস্করণে রাজা গোবিন্দমাণিক্যের আনন্দের উৎস। তাহার—

প্রতিদিন প্রাতে আসে—যেন তারা যোর
রুগুচিহ্ন-বাতারনে দুটি কিরণের
রেখা—প্রভাতের প্রথম সংবাদ নিয়ে
আসে, বৈকুণ্ঠের দুটি গুত্র দূতশিশু।

উহাদের আদর্শনে রাজা উৎকণ্ঠিত হইয়া উঠেন। বিসর্জন নাটকের পরবর্তী সংস্করণে—অপর্ণার অঙ্ক পিতা, হাসি ও কেদারেশ্বরের চরিত্র বর্জিত হইয়াছে। এবি চরিত্রটি রাজার পালিত বালক রূপে নাটকে সঞ্চিত হইয়াছে।

Dr. Milton Biswas
Professor
Bangla Department
Jagannath University Dhaka.